



乾隆府廳州縣圖志
山東

ル 5
1353
6




門 凡 子 8
第 1359
卷 6



山東全圖 統計十府二直隸州

夏 津	州 府	日 照	沂 水	濱 州	青 州	益 都	朝 城	東 平	肥 城	平 原	德 平	濟 南	歷 城	齊 東	章 丘	濟 陽	鄒 平	淄 川	長 山	新 城	齊 河
膠 州	平 度	登 州	利 津	陽 信	壽 光	博 山	東 昌	觀 東	新 泰	萊 蕪	滕 州	滋 陽	曲 阜	汶 上	荷 澤	鄒 縣	壽 光	泗 水	泰 安	德 州	濟 寧
高 密	濰 縣	蓬 萊	濰 縣	樂 陵	臨 淄	冠 縣	曹 州	堂 邑	汶 上	荷 澤	鄒 縣	濟 寧	臨 沂	臨 沂	臨 沂	臨 沂	臨 沂	臨 沂	臨 沂	臨 沂	臨 沂
即 墨	昌 邑	海 州	福 山	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州	沂 州
濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧	濟 寧
州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府	州 府
武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城	武 城

山東全圖 統計十府二直隸州



直隸界

直隸界

山東境衆水歸合表

濟水	大沽河	賈魯河	泗水	濰水	歷水	牟汶	洺水
濰水	小沽河		泲水	關盧水	巨合水	贏汶	洺水
淄水	膠萊新河		承水	石派水	龍水	柴汶	洺水
巨洋水	篤馬河		汶水舊入	淄水	時水	北汶水	洺水
之累水	堯河		汶水今入	狼水		小汶水	洺水
黑水	鉤盤河		運河	減水		泰山溜水	洺水
淮水			衛河	七里河		泗水	洺水
掖水			清河			泗水	洺水
丹水						泗水	洺水
白狼水						泗水	洺水
膠水						泗水	洺水
根艾水						泗水	洺水
五龍山水						泗水	洺水
漑水						泗水	洺水

海

黃河

運河

濟水

濰水

汶水

沂水

乾隆府廳州縣圖志卷十四

賜進士及第翰林院編修充

國史館纂修官

臣 洪亮吉撰

山東布政使司

濟南府

衝繁難

原額人丁三十八萬二千零九

又滋生人丁三萬零一百六十六

禹貢青州之域周為齊地秦屬齊郡漢初分置濟南郡文帝十
六年為濟南國景帝二年國除為郡後漢建武十五年復為濟
南國三國屬魏晉曰濟南郡宋元嘉九年僑置冀州後魏皇興
三年改曰齊州隋開皇初郡廢大業初改為齊郡唐武德元年
復曰齊州二年置總管府貞觀元年府罷七年又置都督府天
寶初改曰臨淄郡五年復曰齊郡乾元初復曰齊州屬河南道
宋初曰齊州濟南郡治平二年置興德軍節度政和六年升為

濟南府屬京東東路金屬山東東路元為濟南路明洪武初復

曰濟南府九年為山東布政使司治

本朝為巡撫部院及布政使司按察使司治所鹽運使司督糧

道分守濟東泰武臨道亦駐此

府境

八到

東	西	南	北	東	西	南	北	東	西	南	北
至	至	至	至	至	至	至	至	至	至	至	至
青	昌	武	武	青	昌	武	武	青	昌	武	武
州	州	定	定	州	州	定	定	州	州	定	定
府	府	府	府	府	府	府	府	府	府	府	府
臨	高	商	商	臨	高	商	商	臨	高	商	商
淄	唐	河	河	淄	唐	河	河	淄	唐	河	河
縣	州	縣	縣	縣	州	縣	縣	縣	州	縣	縣
界	界	界	界	界	界	界	界	界	界	界	界
二	一	一	一	二	一	一	一	二	一	一	一
百	百	百	百	百	百	百	百	百	百	百	百
五	四	四	四	五	四	四	四	五	四	四	四
十	十	十	十	十	十	十	十	十	十	十	十
里	里	里	里	里	里	里	里	里	里	里	里

土貢

絲 絹 綿 綾 葛 麻 米 粟 石 藥

營縣十五州一

歷城 章丘 鄒平 淄川 長山 新城 齊河 齊

東 濟陽 禹城 臨邑 長清 陵 德州 德平

平原

歷城縣

衝繁難郭下

有寶濟錢局譚城龍山二驛盤水柳埠堰頭三鎮石固一寨主簿駐中公集巡檢駐龍山鎮

戰國齊歷下邑漢置歷城縣晉永嘉後為濟南郡治

華不注山在縣東北春秋成公二年戰于鞍齊師敗績逐之三

周華不注伏琛齊記不讀如跗又縣南五里有歷山縣以之名

濼水今名小清河源出縣西東逕章丘鄒平長山新城入青州

府高苑界至博興合時水入海鄆道元云濼水北為大明湖今

湖在縣西北隅周十餘里胡朏明云宋南渡後劉豫導濼水東

行入濟水故道為小清河又關盧水在縣東十五里入大清河

歷水亦在縣東入小清河聽水在縣東北今名響河

歷下故城在今縣治西漢東平陵故城在縣東七十五里臺縣故城在縣東北三十里肥鄉廢縣隋營城廢縣唐全節廢縣並在縣東

巨里城在縣東亦曰巨合城譚國城在縣東春秋莊公十年齊師滅譚

商太甲冢劉昭稱皇覽曰太甲有冢在歷山上

章丘縣繁疲難西至府一百十里有普濟一鎮

漢置陽丘營二縣並屬濟南郡後漢省陽丘劉宋又省營北齊天保七年徙置高唐縣于此隋開皇十六年改曰章丘屬齊郡唐武德二年屬譚州貞觀元年屬齊州宋景德三年置清平軍熙寧三年軍廢仍為縣屬濟南府

東陵山在縣南十五里山南有盜跖冢故一名跖山又縣南二十八里有龍盤山

百脈水今名清河亦曰繡江在縣東一里酈道元云百脈水出士鼓縣故城西百泉俱出故謂之百脈水北注于濟又巨合水源出縣西南雞山至歷城縣注小清河楊渚溝水今名獺河在縣東北七里至新城縣界注孝婦河

楊丘故城在縣東南營縣故城在縣西北二十五里漢朝陽故城在縣西北獺縣故城在縣北隋亭山故城在縣西南又劉宋博平僑縣在縣東南三十五里今名博平鎮

崔氏城在縣西北二十五里左傳襄公二十七年齊崔成請老于崔卽此又甯戚城在縣東北樂安城在縣北漢元帝時匡衡所封

古賴亭在縣西北左傳哀公六年齊侯陽生使胡姬以安孺子

如賴

鄒平縣 簡西至府一百六十五里 有孫家一鎮

漢置梁鄒鄒平二縣晉省宋武帝于故梁鄒縣僑置平原郡并領平原縣後魏曰東平原郡隋開皇初郡廢十八年改平原縣曰鄒平屬齊郡唐武德元年屬鄒州八年屬譚州貞觀元年屬淄州景龍元年分置濟陽縣元和十五年省濟陽宋景德元年移鄒平治濟陽廢縣元至元二年分屬濟南路

長白山在縣南二十里山東北屬長山西屬章丘南界淄川葛洪云長白泰山之副嶽繡江發源于此圖經以山中雲氣長白故名

魚子溝水在縣東七里今名白條溝河明實錄永樂九年浚鄒

平白條溝河三十餘里沙河在縣西一里東注孝婦河

縣故城在今縣北孫家鎮劉宋平原僑縣城在縣東十二里隋

濟南故城在縣北

淄川縣 簡西少北至府二百二十里

漢置般陽縣晉太康後省宋武帝僑置清河郡元嘉五年并置貝丘縣屬焉後魏曰東清河郡北齊郡廢隋開皇十六年于貝丘縣置淄州十八年改縣曰淄川大業初州廢屬齊郡唐武德元年復置淄州天寶元年改曰淄川郡乾元元年復曰淄州屬河南道宋屬京東東路金屬山東東路元中統五年升淄州路總管府至元二年改淄萊路二十四年改曰般陽路明洪武初為般陽府九年降為淄川州屬濟南府十二年又降州為縣原山在縣東南七十里接青州府益都界班固云萊蕪原山淄

水所出東至傅昌入泲幽州浸又夾谷山在縣西南三十里萌水出焉一名祝其左傳定公十年公會齊侯于祝其實夾谷贊山在縣東北十里德會水出焉班固云昌國德會水西北至西安入如水

瀧水在縣西一里一名孝婦河自青州府益都縣流入又東北逕長山新城入小清河般水在縣東南十五里萌水在縣西並注瀧水德會水在縣東北北注時水

漢昌國故城在縣東北三十五里萊蕪故城在縣東南劉宋逢陵故城在縣西北土鼓故城在縣西

徐關在縣西左傳成公二年齊師敗于峯齊侯自徐關入又十七年齊侯與國佐盟于徐關而復之

長山縣簡西至府一百九十里縣丞駐周村

漢置於陵縣為濟南都尉治晉省宋武帝僑立武疆縣并置廣川郡北齊天保七年改為東平原郡隋開皇初郡廢十八年改縣曰長山屬齊郡唐武德元年屬鄒州八年州廢屬淄州元屬般陽路明洪武十二年改屬濟南府

吳河即古時水枝津在縣北泇河在縣南並入瀧水

於陵故城在縣西南二十里又濟南故郡城魏王泰及章懷太子後漢書注並云在長山縣西北二十五里按兩漢濟南郡並治東平陵在今歷城縣距此尚遠不知泰等何據也

古于亭在縣西左傳昭公十年陳桓子召公子周與之夫子即此

新城縣簡西南至府二百十六里有索鎮張店二鎮

漢置高苑縣屬千乘郡晉為樂安國治劉宋省元太宗時始以

長山縣之驛臺地置新城縣屬般陽路明洪武十二年改屬濟南府

商山在縣東南五十里跨益都臨淄縣界亦名鐵山慕容德載記立冶于商山置鹽官于烏常澤以廣軍國之用魏書崔亮言南青州苑燭山齊州商山竝是往昔銅官舊跡見在竝宜開鑄又四角山在縣東南四十五里元置廣興商山二冶于此時水在縣東三十里亦名邳水俗名烏河自青州府臨淄縣流入北至高苑入小清河班固云如水西北至梁鄒入沛高苑故城在縣東十二里漢延鄉故城在縣東平安故城在縣東北四十里

齊河縣

衝繁難東至府四十里

有晏城一驛劉宏一鎮

春秋祝阿地漢爲祝阿縣地唐爲禹城縣地宋置耿濟鎮仍屬

禹城金大定八年始分置齊河縣元至元二年改屬德州明初還屬濟南府

玉水在縣東里許源自太山北諸溪水合而成流北入濟又古瓠子河在縣西十里水經瓠子河自荏平縣瓠里渠又東北過祝阿縣爲濟渠圖說宋時名熙河今湮

古野井亭在縣東濟河北岸春秋昭公二十五年齊侯唁公于野井

齊東縣

疲難西南至府一百五十里

有臨河一鎮

漢鄒平朝陽二縣地唐宋爲鄒平縣地金置齊東鎮元憲宗二年始改鎮置縣屬河間路三年屬濟南路至元二年還屬河間明洪武初仍屬濟南府

減水河在縣東二里明成化元年開濬南引章丘之白雲湖流

逕薛家渡口由馬家窪入濟

濟陽縣

疲難西南至府七十里

有同河新市二鎮

春秋齊著邑漢置著縣北齊省隋唐為臨濟縣地宋為章丘縣地金初析章丘臨邑二縣地置

著縣故城在縣西南又郭城在縣西二十五里相傳為古郭國

禹城縣

衝東南至府一百十里

有劉普一驛新安一鎮

春秋齊高唐轅二邑漢置高唐瑗二縣屬平原郡後漢省瑗縣晉廢高唐入祝阿縣唐初移祝阿縣于此屬齊州天寶元年改曰禹城宋屬濟南府元至元二年改屬曹州明洪武二十年復舊

灑水在縣西二里自東昌府高唐州流入又東北逕臨邑濟陽二縣入武定府界按灑水自宋以前嘗為大河經流樂史云有

古黃河在臨邑縣南二十里上自禹城下入臨濟即此商河在縣北逕平原陵德平三縣入武定府商河縣界圖說今自平原以北斷續過半又徒駭河即灑水下流自縣逕齊河臨邑濟陽三縣入武定府界

縣故城在今縣西南十七里即唐初遷治處高唐故城在縣西南按齊高唐邑在今縣南漢縣在今縣西二地雖殊界實相近若今東昌府之高唐州乃漢靈縣地取故名耳瑗縣故城在縣南又漢阿陽故城在縣東亦曰陽阿唐源陽故城在縣南楊虛城斗城在縣西南晉太元中張願屯祝阿之瓮口後燕慕容隆討平之至斗城去瓮口二十五里又鍾城後漢建武五年詔耿弇進討張步使其將屯祝阿別于泰山鍾城列營以待弇今按城當在縣及齊河兩縣境

臨邑縣

簡南至府一百四十里

春秋齊隰邑漢置漯陰縣屬平原郡晉省宋孝建二年僞置臨邑縣于此屬魏郡後魏屬東魏郡隋屬齊郡唐武德元年屬譚州貞觀元年還屬齊州宋屬濟南府元太宗七年割屬河間路憲宗三年還屬濟南至元二年復屬河間明洪武初復舊

四瀆津在故縣東酈道元云河水東北流逕四瀆津津西側岸臨河有四瀆祠唐永徽六年齊州河溢卽此地

縣故城在今縣北三十五里宋建隆三年移今治漯陰故城在縣西十里

鹿角關在縣北接陵縣界古大河所經也李吉甫云關跨大河以鹿角津爲名

長清縣

衝繁疲難東北至府七十里

有崗山長城二驛皆鎮一鎮石都一棗縣

丞駐張夏鎮

春秋齊盧邑漢置盧縣文帝二年置濟北國于此武帝後二年國除屬太山郡爲都尉治後漢永元二年復置濟北國治盧後魏分屬太原郡北齊郡縣俱廢隋開皇十四年改置長清縣屬濟北郡唐初屬濟州天寶十三載屬齊州元至元二年改屬泰安州明初屬濟南府

隔馬山在縣南六十里地形志作格馬山李吉甫云左傳夙沙衛殺馬于隘以塞道卽此

大清河在縣西自泰安府平陰縣流入又東北逕歷城濟陽齊東入武定府界自歷城以上至東阿卽古濟水又東北至濟陽齊東卽漯水故道亦謂之鹽河按濟水最南漯水在中河水最北宋時河嘗行漯瀆及河去大清河遂兼行河漯二瀆又中川

水在縣南二十里亦名沙溝水又名南沙河酈道元云源出山在縣之分水溪南出秦山入溝

縣故城在今縣東南三十里朱至道二年徙今治盧縣故城在縣南二十五里又漢山在故城祝阿故城並在縣東北春秋襄公十九年諸侯盟于祝阿劉宋東太原城在縣東北亦曰升城隋濟北廢縣在縣西三十里

石塞城垣苗城並在縣西南古清亭在縣東左傳哀公十年齊伐我及清

石門在縣西南今圯于河春秋隱公三年齊侯鄭伯盟于石門又石窳邑在縣東南

陵縣 簡東南至府二百里 有滋博一鎮

漢置安惠縣屬平原郡晉屬渤海郡後魏太和于縣置安德

郡尋罷中興中復置隋開皇初郡廢九年于縣置德州大業初改為平原郡唐武德四年復置德州并置總管府貞觀元年府罷天寶元年復曰平原郡乾元元年復曰德州元和四年于州置保信軍節度五年罷宋曰德州平原郡金元曰德州明洪武初省安德縣入州永樂七年改陵縣為德州而以故州為陵縣屬濟南府

鈎盤河在縣東四十五里曰盤河店

唐歸化故城在縣南亦曰福城

白石城在縣北臨齊城在縣東北

德州 衝繁難東南至府二百六十里

有安德一驛梁家莊良店二水驛桑園一鎮州判駐邊臨鎮

古有鬲氏之地漢置鬲縣北齊省入安德隋開皇六年改置廣

川縣于此十六年又分置將陵縣仁壽初改曰長河唐皆屬德州五代周省長河縣入將陵宋景祐元年移將陵治長河鎮改屬永靜軍金屬景州元憲宗三年割屬河間路尋升為陵州至元二年復為縣三年復為州明洪武初復降為縣永樂七年改德州為陵縣以故陵城為德州

運河在州西南即古清河也本隋之永濟渠一名衛河又名御河自東昌府恩縣流入又東北流入直隸吳橋縣界古黃河在州境及臨邑馬陵縣皆漢平原郡地為黃河所經故道

鬲縣故城在州北漢重丘故城在州東春秋襄公二十五年諸侯同盟于重丘隋將陵故城亦在州東

龍湊城在州東北十二里連城在州北

德平縣 難南至府二百五里 有懷仁一鎮

漢置平昌侯國後漢曰西平昌縣晉省後魏太和二十二年復置平昌縣屬勃海郡熙平中屬樂陵郡天平初分屬東安德郡北齊郡廢仍屬平原郡唐屬德州太和二年割屬齊州三年還屬德州五代後唐改曰德平宋熙寧六年省為鎮入安德元符二年復置屬德州明屬濟南府

平昌故城在縣西南三十里漢般縣故城在縣東北二十五里

重平故城在縣西北三十里

平原縣 衝東南至府一百八十里 有桃園一驛水務一鎮

漢置縣并置平原郡治焉後魏太常末置東青州皇興中州郡俱廢又省縣入鬲太和二十一年復置屬勃海郡中興中屬安德郡隋屬平原郡唐屬德州迄明不改

本朝屬濟南府

古屯氏河在縣北圖說自隋疏為永濟渠古跡遂不可考又古王翁河在縣西南魏書清河平原爭界孫禮以烈祖初封平原時圖決之宜屬平原實以王翁河為限篤馬河在縣北樂史云即古馬頰河

縣故城有二一在今縣南二十餘里一在縣西南三十里今縣治城北齊所築漢郟縣故城在縣西南五十里繹幕故城在縣西北二十里

張公城在縣南酈道元云魏青州刺史張公治此故名

兗州府 街繁難

原額人丁二十二萬六千二百三十二
又滋生人丁二萬零三百三十八

禹貢徐兗二州之域周為魯國戰國屬楚秦置薛郡漢置山陽郡三國屬魏晉改山陽為高平國劉宋元嘉三十年始更置兗

州隋大業初州廢徙置魯郡唐武德五年復曰兗州貞觀十四年置都督府天寶初復曰魯郡乾元初復曰兗州屬河南道後置節度使賜號泰寧軍五代周廣順二年罷軍宋初仍曰兗州魯郡復置泰寧軍節度大中祥符元年升大都督府政和八年升為襲慶府屬京東西路金復曰兗州大定十九年改曰泰定軍屬山東西路元亦曰兗州初屬濟州憲宗二年屬東平路至元五年復屬濟州十六年屬中書省濟甯路明洪武初曰兗州屬濟甯府十八年升為兗州府

本朝因之分巡兗沂曹道駐此水利同知二一駐臨城一駐泇

河通判一駐張秋鎮

府境

東西距五百十里
南北距二百六十里

八到

東至沂州府費縣界一百六十里
西至曹州府濮州界三百五十里

南至江南徐州府沛縣界一百五十里
北至太安府肥城縣界一百一十里
東南至沂州府蘭山縣界三百三十里
西南至曹州府曹縣界三百一十里
東北至泰安府泰安縣界一百八十里
西北至泰安府東平州界一百六十里
自府治至京師一千二百三十里

土貢

文綾 尼巖硯 柘硯 梁公硯 巧石 黑瓷器
鐵 錫 楷木 茯苓 雲母石 紫石英

管縣十

滋陽 曲阜 寧陽 鄒 泗水 滕 嶧 汶上 陽

穀 壽張

滋陽縣 衝繁難郭下

有昌平新嘉二驛

春秋魯負瑕邑漢置瑕丘縣晉省入南平陽縣宋元嘉三十年始置兗州治瑕丘縣故城隋開皇十三年始復置瑕丘縣為州治宋大觀四年避先聖諱改曰瑕縣尋又改為嶧陽以縣西嶧

山為名明洪武初省縣入兗州十八年兗州升府復置嶧陽縣成化間易嶧為滋

西沂水在縣東與泗水合源出曲阜縣東南尼山之麓李吉甫云亦名雩水

瑕丘故城在縣西二十五里漢乘丘故城在縣西北三十五里春秋莊公十年公敗宋師于乘丘樊縣故城在縣西南

檀城在縣北

曲阜縣 簡西至府三十里

古少皞之墟周初曰曲阜封周公子伯禽于此為魯國秦為薛郡治漢置魯縣為魯國治北齊改魯郡曰任城隋開皇三年廢郡四年改縣曰汶陽十六年又改名曲阜屬魯郡唐貞觀元年省八年復置屬兗州宋大中祥符五年改曰仙源縣金復曰曲

阜

防山在縣東三十里春秋僖公十四年季姬及鄆子遇于防尼山在縣東南六十里連泗水鄒二縣界史記孔子世家叔梁紇與顏氏禱于尼丘得孔子又山之西有昌平山孔子生魯昌平鄉陬邑卽此

壽丘在縣東北史記舜作什器于壽丘曲阜在縣城中委曲長七八里李吉甫云季子臺大庭氏庫及縣理城竝在其上

洙泗二水東自泗水縣界流入鄆道元云至縣北又分爲二水洙水西北流逕孔里是謂洙泗之間闕里志今洙水與泗水不通上源在孔林之東止一溝瀆蓋古魯城之隍也穿孔林橫流過孔子墓前出林復西南流入于沂其故道不可考矣孔林在縣北二里

縣故城在今縣東十里宋大中祥符間遷縣治于魯城東明正德七年復還今治

鄆城昌平城竝在縣東南奄里在縣東闕里在縣城中夔相圃在其西兩觀在縣東南

甯陽縣 簡南至府五十里 有青川一驛

春秋魯闡邑漢置甯陽侯國晉省北齊移置平原縣于此隋開皇十六年改縣曰龔丘宋大觀四年又改曰龔縣金大定二十九年復曰甯縣元至元二年省入嶽陽大德元年復置

淄水在縣東北卽今小汶河左傳昭公二十六年齊師圍成成人伐齊師之飲馬于淄者洸水在縣西三里卽汶水支津西南流至濟甯州注運河

縣故城在今縣南漢剛縣故城在縣東北三十五里汶陽故城

亦在縣東北又成縣故城在縣北

成城在縣東北九十里春秋時魯邑

鄒縣衝繁西北至府五十里有邾城界河二驛

春秋邾國魯繆公時改為騶漢置騶縣宋熙寧五年省為鎮入仙源縣元豐七年復置

嶧山在縣東南二十里一名邾嶧山亦曰鄒嶧山書禹貢嶧陽

孤桐班固云騶縣嶧山在北鳧山在縣西南五十里接魚臺縣

界即魯頌之鳧嶧二山也

大沙河在縣南三里百馬河在縣北二十里

邾國故城在縣東南二十六里漢高平故城在縣西南

漆城在縣西北左傳襄公二十一年邾庶其以漆闔丘來奔今

闔丘城亦在縣境

泗水縣簡西少南至府九十里

春秋時魯卞邑漢置卞縣後魏省入鄒縣隋開皇十六年改置

泗水縣元至元二年省入曲阜縣三年復置仍屬兗州縣治春

秋時虛村邑也

陪尾山在縣東五十里泗水發源于此山東有湖謂之漏澤接

沂州府費縣界書禹貢熊耳外方桐柏至陪尾龜山在縣東北

五十里詩魯頌奄有龜蒙春秋定公十年齊人來歸龜陰田

泗水源出縣東陪尾山西逕曲阜滋陽又南流與曲阜之沂水

合又逕鄒縣至濟甯州入運河班固云卞縣泗水西南至方與

入泲渠過郡三行五百里青州川

卞縣故城在縣東五十里漢郿鄉故城在縣東南

姑蔑城在縣東春秋隱公元年公及邾儀父盟于蔑

庚宗亭在縣東

滕縣

衝繁疲難西北至府一百四十一里

有滕陽臨城二驛
安平南穀陶陽三
鎮縣丞駐臨城

周時滕薛小邾三國地戰國時為齊地秦為薛縣地漢置蕃縣
後魏孝昌二年升置蕃郡元象二年罷武定五年復置北齊郡
廢隋開皇十六年改蕃縣曰滕縣金大定二十二年改縣曰滕
陽兼置滕陽軍二十四年改置滕州仍治滕縣明洪武二年州
廢以縣屬濟甯府十八年改屬兗州府

孤駱山在縣東南二十里左傳襄公四年滅紇救鄆侵邾敗于
孤駱微山在縣南一百里接江南沛縣界李吉甫云微山上有
微子冢又奚公山在縣東南六十里李吉甫云奚仲造車于此
濬水在縣南十五里源出縣東北述山會南梁水入運河左傳

襄公十九年取邾田自濬水梁水在縣東北十五里班固云蕃
縣南梁水西至湖陵八沛渠代陂在縣東晉書徐龕軍次代陂
為石遵將李菟所敗

滕國故城在今縣西南十四里薛縣故城在縣東南四十四里
秦戚縣故城在縣南七十里漢昌慮故城在縣東南六十里合
鄉故城在縣東二十三里桃山故城在縣東後魏永興廢縣在
縣東南

邽城在縣東春秋邽黎來朝又縣南有上邽城即古邽邑縣東
南有常城詩魯頌居常與許即此又丘城在縣東三十里休城
在縣西二十五里

嶧縣

衝繁疲難西北至府二百六十里

有萬家莊一水驛鄒
城一鎮

春秋時鄆國地戰國屬楚為蘭陵邑漢置蘭陵丞二縣晉元康

元年置蘭陵郡劉宋移郡治昌慮省蘭陵入承縣屬之後魏武
定五年復置蘭陵郡并置蘭陵縣屬之北齊廢蘭陵縣隋開皇
三年郡廢十六年置鄆州大業初州廢改承縣爲蘭陵縣唐武
德四年復置鄆州又改蘭陵爲承縣貞觀初州廢金明昌六年
又改承縣爲蘭陵元初于縣置嶧州至元二年省縣入州明洪
武二年降州爲嶧縣

君山在縣北六十里古名抱犢山西泐水發源于此東南流至
江南邳州界合沂水入河又葛嶧山在縣東南十五里亦名嶧
陽山承水繞其下東合泐水注運河

運河在縣南五十里自徐州府沛縣流入又逕滕縣魚臺折北
入濟甯州復逕汶上縣入泰安府界
承縣故城在縣西北一里蘭陵故城在縣東五十里漢鄆縣故

城在縣東八十里偃陽故城在縣南五十里陰平故城在縣西
南三十里建陽故城在縣西

蕲亭在縣東故繒城北春秋莊公九年公及齊大夫盟于蕲又
次室亭在縣東南王隱云故魯次室邑

汶上縣 衝繁難東南至府九十里
有新橋開河水二驛柴
城一鎮縣丞駐

古厥國春秋時魯中都地戰國屬齊爲平陸邑漢置東平陸縣
宋初曰平陸元嘉中改置樂平縣兼置陽平郡尋廢大明元年
復改樂平曰平陸天寶元年改曰中都金貞元元年改曰汶陽
泰和八年又改曰汶上

汶水在縣北自泰安府流逕甯陽縣分而爲二一南流別爲泲
水一由東平州流至縣境又西南會諸泉滙于南旺湖入運河
湖在縣西南三十五里本與蜀山湖爲一明永樂中開會通河

畫爲二堤使漕渠貫其中

平陸故城在縣北漢桃鄉故城在縣東北

中都城在縣西春秋時魯邑夫子爲中都宰卽此又闕城在縣

西南春秋傳六十一年公會宋公于闕

陽穀縣

衝繁疲難東南至府三百里

有阿城安樂二鎮縣丞駐阿城

春秋齊阿縣漢置東阿縣爲東郡都尉治劉宋大明元年省後

魏復置隋開皇十六年析置陽穀縣

清水河在縣南五十里自壽張縣流入東逕安平鎮南減水開

入運河又黃河故道在縣西

阿澤在縣東左傳襄公十四年衛獻公出奔齊孫林父追之敗

公徒于阿澤又阿井在縣東阿城鎮歲常煮膠入貢

縣故城在今縣東北三十里宋景德三年徙今治東阿廢縣在

縣東北五十里宋開寶八年遷縣治于今東阿縣之南穀鎮而

故城遂墟

薛陵城在縣東北戰國時齊邑史記齊威王七年衛伐我取薛

陵卽此

壽張縣

衝繁難東南至府二百四十里

有竹口一鎮梁山

漢東郡范縣地隋唐宋爲壽張縣地金大定七年移置壽張縣

十九年復還舊治明洪武初又移治于今縣

梁山灤在縣東南梁山下卽古鉅野澤之下流宋熙甯十年河

決于澶州曹村澶淵北流斷絕河道南徙東匯于梁山張澤灤

元開會通河引汶絕濟明築戴村埽遏汶南流遂填淤

縣故城在今縣東南五十里東平州界金大定中河水壞城乃

遷于今縣西竹口鎮明洪武十四年又移今治

泰安府

衝繁難

原額人丁共一十三萬三千一百五十二
又滋生人丁七千二百七十六

禹貢青徐二州之域春秋齊博邑秦屬齊郡漢初屬濟北國尋置博陽郡後改泰山郡元封初分博置奉高縣為郡治北齊改曰東平郡隋開皇初郡廢縣屬魯郡唐武德五年于博城置東泰州貞觀初州廢屬兗州乾封元年改縣曰乾封總章元年改曰博城神龍元年復曰乾封宋太中祥符初改曰奉符屬襲慶府金初置泰安軍大定二十二年升為泰安州屬山東西路元初屬東平路至元五年析隸省部明初屬濟南府以州治奉符縣省入
本朝雍正二年升為直隸州十三年升為府鹽捕水利通判駐懷德莊

府境

八到

東	西	南	北	東	南	西	北	東	南	西	北
距四百三十里	距一百七十里	距一百八十里	距一百五十里	距一百六十里	距一百一十里	距一百一十里	距一百九十里	距一百八十里	距一百九十里	距一百八十里	距一百八十里
至青州府	至兗州府	至濟南府	至沂州府	至兗州府	至沂州府	至兗州府	至沂州府	至兗州府	至沂州府	至兗州府	至沂州府
博山縣界	陽穀縣界	長清縣界	蒙陰縣界	汶上縣界	博山縣界	汶上縣界	博山縣界	汶上縣界	博山縣界	汶上縣界	博山縣界

土貢

管縣六州一

紫石英 銅 鐵 石鍾乳 蒼木 桔梗 阿膠 防風 挂

泰安縣 肥城 新泰 萊蕪 東平州 東阿 平陰

周為齊地又為魯北境秦屬齊郡漢為博蕪奉高三縣地屬泰山郡治奉高唐屬魯郡唐屬兗州魯郡宋改曰奉符金為泰安

州明省縣入屬濟南府

本朝雍正十三年設縣爲府治

泰山在縣北五里一曰岱宗又曰東嶽書舜典歲二月東巡狩至于岱宗周禮職方氏兗州山鎮曰岱山班固云博縣有泰山廟岱山在西北今嶽廟在縣城西北隅徂徠山在縣東南四十里詩徂徠之松亦曰尤峽後漢赤眉渠帥樊崇保守此山自號尤來三老社首山在縣西南二里班固云周成王封泰山禪于社首高里山在縣西南三里又名亭禪山漢武帝太初元年禪高里又縣南一百十里有梁父山秦始皇二十八年禪梁父汶水在縣南源出萊蕪縣東北八十里原山之陽西南流逕縣東左合牟汶嬴汶水西流又北合柴汶水逕縣東南泮河水自北來注之亦名北汶水南流至大汶口與小汶水會合流入兗

州府寧陽縣界班固云萊蕪縣禹貢汶水出西南入泮汶水桑欽所言李吉甫稱述征記曰泰山郡水皆名汶今縣界凡有五汶皆源別而流同也按汶水舊逕東平州城南至安山湖合濟水自明永樂九年築戴村埧以遏其入濟之道遂西南流凡八十里至汶上縣而爲分水河今導爲運河淄水俗名濁河泉出縣東南泉河集齊乘泰山南亦有淄水按此泰山之淄入汶者也禹貢淄水亦出原山班固所謂汶出其陽淄出其陰矣博縣故城在縣東南左傳哀公十一年克博宋開寶中移縣于岱嶽鎮此城遂廢漢梁父故城在縣南六十里鉅平故城在縣西南廢柴縣在縣南奉高廢縣在縣東北十七里菟裘城在縣境左傳隱公十一年公語公子翬使營菟裘又龍鄉城在縣西南春秋成公二年齊伐北鄙圍龍

蜀亭在縣西春秋成公二年楚侵魯至蜀魯請盟紅亭在縣東

春秋昭公八年大蒐于紅

肥城縣

簡東至府七十里

有石橫一鎮

漢舊縣屬泰山郡後漢屬濟北國後省晉復置後魏孝昌三年置東濟北郡北齊郡廢周置肥城郡隋開皇初郡廢屬濟北郡唐武德五年屬東秦州貞觀初省入博城元復置肥城縣屬濟甯路

本朝雍正十三年改屬

巫山在縣西北六十里左傳襄公十八年齊侯登巫山以望晉師又縣西北三十里有陶山史記越世家范蠡去齊止于陶蛇水今名肥河在縣南酈道元云蛇水出蛇丘縣東北大山西南注于汶又沁水今名衡魚河在縣西南五十里亦西南注汶

蛇丘故城在縣南春秋魯蛇淵圃亦曰鑄鄉左傳襄公二十三年臧宣叔娶于鑄

遂城在縣南故國也亦作燧春秋莊公十三年齊人滅遂而戍之又下謹城在縣西南春秋桓公三年齊侯送姜氏于謹

新泰縣

衝繁西北至府一百五十里

有上四莊巡檢駐

春秋魯平陽邑漢置東平陽縣後漢省三國魏改置新泰縣仍屬泰山郡晉改屬東安郡後魏改屬東泰山郡隋屬琅琊郡唐武德五年改屬莒州貞觀中還屬沂州金改屬泰安州元省入萊蕪後復置

龜山在縣西南四十里詩奄有龜蒙春秋定公十年齊人來歸鄆謹龜陰田又宮山在縣西北四十里卽古新甫山詩新甫之柏是也

平陽故城在縣西北春秋宣公八年城平陽

萊蕪縣 簡西至府一百二十里

春秋齊嬴邑漢置嬴縣後漢建安中置嬴郡尋罷晉仍屬泰山郡隋屬魯郡唐武德五年屬東秦州貞觀元年省入博城長安四年始移置萊蕪縣于此屬兗州元和十五年省入乾封太和元年復置宋屬襲慶府金改屬泰安州

肅然山在縣西北六十里漢元封元年封泰山下陰道禪泰山下趾東北肅然山又銅冶山在縣北三十里舊產銅鑛山在縣西北三里舊產鐵按李吉甫云縣有韶山出鐵漢置鐵官至今鼓鑄惟云在縣西北二十里道里不合疑李志傳寫誤也

夾谷峪在縣南三十里春秋定公會諸侯于夾谷即此又萊蕪谷在縣西南三十里亦名狼虎谷唐中和四年黃巢自瑕丘東

竄走入狼虎谷狼虎蓋萊蕪之轉音

嬴縣故城在縣西北四十里春秋桓公三年公會齊侯于嬴漢

牟縣故城在縣東二十里桓公十五年牟人來朝

平州城在縣西春秋宣公元年公會齊侯于平州

東平州 衝繁難東至府一百四十里 有東原一驛安山一水驛安山遞坊二鎮 巡檢駐彭家集

春秋時魯附庸須句國戰國屬齊秦薛郡地漢初屬梁國甘露二年為東平國治無鹽晉徙治須昌宋為東平郡北齊郡廢縣徙隋復置須昌縣屬東平郡唐初屬鄆州貞觀八年移州來治天寶初改曰東平郡宋白東平府元改為東平路明降為州省須城縣入屬兗州府

本朝雍正十三年改屬泰安府

梁山在州西南五十里接兗州壽張縣界史記梁孝王北獵良山司馬貞曰漢書作梁山酈道元云濟水北逕梁山東又州東四十里有龍山酈道元云汶水西逕危山南世謂之龍山也運河自兗州府汶上縣北界流入兗州西南汶濟二水合流處也又從兗州壽張縣界北逕東阿縣西仍入兗州府陽穀縣界大清河卽古濟水自州東南戴村埧分洩汶河之水西北流逕州城西北至盧家村與七里河會古濟汶合流處也又逕東阿平陰肥城入濟南府界按圖經州城南又有沙河今考卽大清河之上流古黃河在府境有三一在州西五十里一自兗州壽張縣流入州界一在東阿縣北四十里

須昌故城在州西北無鹽故城在州東二十里漢壽張故城在州西南章縣故城在州東六十里左傳莊公三十年齊人降鄆邱城在州南四十里春秋魯叔孫氏邑陽州城在州東北春秋昭公二十五年公孫于齊次于陽州微鄉城在州西春秋莊公二十八年築鄆道元稱京相璠曰公羊傳謂之微

有舊縣銅城二驛陽劉安平南穀新橋四鎮

東阿縣 衝繁東南至府二百一十里
春秋齊穀邑漢爲東阿縣地後漢分置穀城縣北齊廢入東阿宋開寶二年始移東阿縣治于穀城縣界屬東平府元屬東平路明洪武八年又移縣治于故穀城屬東平州
本朝雍正十三年與平陰縣同改屬泰安府
魚山在縣西八里大清河之西史記河渠書瓠子歌吾山平兮鉅野溢徐廣注東阿有魚山又曲山在縣西北十五里班固云東阿有梁丘山卽曲山也穀城山在縣東北五里一名黃山山

海經縞羝之首曰平逢東望穀城之山郭璞注山在濟北穀城縣西

狼水今名狼溪河在縣東南二十八里狼山下會諸山泉水入大清河又馬頰河在縣西酈道元云馬頰水首受濟漢臨邑故城在縣北

桃城在縣西南春秋桓公十年公會齊侯于桃丘留舒城在縣西左傳哀公十七年齊師救鄭及留舒違穀七里穀人不知清亭在縣西北春秋隱公四年公及宋公遇于清周首亭在縣東北左傳鄭瞞伐齊王子成父獲其弟榮如埋其首于周首之北門

鄒下聚在縣西南左傳僖公二十六年公追齊師至鄒金堤在縣西南安平鎮南連壽張縣界漢文帝時河決酸棗東

潰金堤卽此或云後漢王景所修汴渠堤也

平陰縣

簡東南至府一百九十里

有滑口一鎮

春秋時齊邑漢爲肥城盧二縣地後漢爲盧縣地隋開皇十四年析置榆山縣大業二年改曰平陰屬濟北郡唐初屬濟州天寶十三載改屬鄆州太和六年省開成二年復置宋屬東平府元屬東平路明屬東平州

榆山故城在縣西北以縣境山得名又有郭山在縣西十二里左傳襄公十八年魏絳樂盈以下軍克郭卽此平陰城在縣東北左傳襄公十八年晉侯伐齊齊人禦諸平陰又有防門有光里皆在縣東北酈道元云河道所由名防門去平陰三里防門北有光里齊人廣音與光同卽春秋所謂守之廣里者也京茲城在縣東南荀偃士匄以中軍克京茲長城在

縣東北魏王泰云長城西北起濟州平陰縣緣河歷泰山北岡
上經濟州淄州東至密州琅邪臺入海竹書紀年梁惠王二十
九年齊築防以為長城

石門在縣北春秋隱公三年齊侯鄭伯盟于石門

曾孫用勳校刊

乾隆府廳州縣圖志卷十五

賜進士及第翰林院編修充 國史館纂修官 臣 洪亮吉撰

山東布政使司

曹州府 繁疲難

原額人丁二十一萬八千三百七十六
又滋生人丁一萬六千一百零九

禹貢豫州之域春秋曹國後為宋地秦屬碭郡漢為濟陰郡成
陽句陽宛朐等縣地晉屬濟陽郡後魏改置乘氏縣屬濟陰郡
唐屬曹州金大定六年縣廢八年始移曹州治此改置濟陰縣
為附郭屬山東西路元初屬東平路至元二年直隸中書省明
洪武初州徙後廢正統十一年復置曹州于此屬兗州府
本朝雍正二年升為直隸州領曹定陶二縣八年以兗州府嘉
祥鉅野來屬十三年升為府以濮州及所隸三縣並兗州府單

城武鄆城來屬其嘉祥仍還屬兗州府督捕同知駐桃源集管

河同知駐曹縣

府境

東西距一百九十五里

八到

南北距二百八十里

東至濟甯州界一百六十五里
西至直隸大名府東明縣界三十里
南至河南衛輝府考城縣界一百一十里
北至直隸大名府南樂縣界一百七十里
東南至江蘇徐州府碭山縣界一百六十五里
西南至大名府長垣縣界七十五里
東北至兗州府滋陽縣界一百六十五里
西北至大名府清豐縣界一百一十里
自府治至京師一千二百里

土貢

綿絹 瓜蔓仁 葶苈子 薏苡仁 牡丹 平絹
枸杞

管縣十州一

荷澤 單 城武 鉅野 鄆城 曹 定陶 濮州

范 觀城 朝城

荷澤縣

繁疲難郭下

有沙土集巡檢

後魏大和十二年始徙置乘氏縣于此屬濟陰郡唐屬曹州金

大定六年縣廢八年改置濟陰縣為曹州治明洪武初縣省入

州尋州亦廢正統十一年復置曹州

本朝雍正十三年升為府設荷澤縣為府治

清丘山在縣西南三十五里左傳宣公十二年晉宋盟于清丘

灘河舊為河水支流在縣南二十五里禹貢兗州灘沮會同

漢魯都故城在縣西南三十里宛句故城在縣西南金圯于河

葭密故城在縣西南三十五里離狐故城在縣西北句陽故城

在縣北即春秋時穀丘地

重丘城在縣東北左傳襄公十七年衛孫蒯田于曹隧飲馬于

重丘又有大鄉城在縣北戎城袁棗城在縣西南

唐堯陵在縣東北五十里舊雷澤城西與濮州接界呂氏春秋
堯葬穀林班固云成陽有堯冢靈臺又皇覽云湯冢在濟陽薄
縣在今濮州南界

單縣繁疲難西北至府一百五十里

春秋時單父邑漢置縣為山陽郡都尉治後漢為侯國屬濟陰
郡宋孝武改置離狐縣兼置北濟陰郡治焉北齊郡縣俱廢隋
開皇六年更置單父縣屬曹州唐初屬戴州貞觀十七年改屬
宋州光化三年置輝州于此後唐同光二年改曰單州碭郡金
曰單州明洪武元年以州治單父縣省入二年降州為縣屬濟
甯府十八年屬兗州府

本朝雍正十三年改屬

單父故城在縣南一里明嘉靖二年以河患移于今治漢平樂

故城在縣東四十里

城武縣簡西北至府一百里

春秋時郟國地後屬宋秦置成武縣北齊置永昌郡治此隋初
郡廢開皇十六年置戴州大業初州廢縣屬濟陰郡唐初仍屬
戴州貞觀中州廢縣屬曹州光化中屬輝州五代唐屬單州元
改屬曹州明洪武四年屬濟甯府尋改屬兗州府譌成曰城
本朝雍正十三年改屬

漢郟成故城在縣東南十八里秬縣故城在縣西北二十九里
梁丘城在縣東北二十五里與金鄉縣接界春秋莊公三十二
年宋公齊侯遇于梁丘

鉅野縣疲難西至府一百四十里 有合蔡一鎮

禹貢大野地漢置鉅野縣屬山陽郡後漢屬任城郡晉屬高平

國劉宋屬高平郡北齊廢隋開皇十六年復置屬東平郡唐武德四年爲麟州治五年州廢縣屬戴州貞觀十七年戴州廢復屬鄆州五代周廣順二年改置濟州宋亦爲濟州治金天德二年徙州治任城縣廢元至元六年復置爲濟州治亦嘗爲濟甯路治明洪武初縣屬濟甯府

本朝雍正八年改屬

運河在縣東北自濟甯州流入

古濟水故道有二一自河南儀封廳界流入逕曹縣北三十里東北流逕定陶縣南謂之南濟一自直隸東明縣界流入逕府治南謂之北濟二水至縣合流又北逕鄆城縣入泰安府東平州界

鉅野澤在縣北五里亦曰巨澤濟水故瀆所入也書禹貢大野

既緒今涸

縣故城在今縣南元至正八年徙今治漢乘氏廢縣在縣西南咸亭在縣南左傳桓公七年焚咸丘亭在縣西南定公十三年齊侯衛侯次于垂葭實耶氏

鄆城縣 簡西南至府一百二十里

春秋魯鄆邑漢爲壽良縣地後周置清澤縣并置魯州及高平郡州尋廢隋開皇四年郡廢改縣曰萬安十年置鄆州十八年改縣曰鄆城大業初改曰東平郡唐武德初仍曰鄆州貞觀八年廢爲縣天祐二年又改曰萬安五代後唐復故周廣順二年改屬濟州元屬濟甯路明初屬濟甯府

本朝雍正八年改屬兗州府十三年移屬

漢黎縣故城在縣西春秋時黎國地左傳哀公十一年衛太叔

置其妻之姊于犁犁黎古字通

古鄆城在縣東十六里魯西境亦曰西鄆又陽晉城在縣西戰

國策秦劫衛取陽晉則趙不南

曹縣

繁疲難西北至府一百里

有安陵盤石二鎮縣丞駐劉家口巡檢駐安陵

周為曹地漢為定陶縣南境後魏孝昌中置西兗州興和中增置沛郡北齊郡廢後周改西兗為曹州隋開皇六年始置濟陰縣為州治大業初改州曰濟陰郡始自定陶移郡治濟陰唐武德初復曰曹州天寶元年又曰濟陰郡乾元元年復曰曹州五代晉開運二年置威信軍節度周廣順二年改曰彰信軍宋建中靖國元年改曰興仁軍崇寧初升為興仁府金天會八年復曰曹州大定八年移州治古乘氏縣明洪武元年移州還治縣界安陵鎮二年又徙治盤石鎮四年降州為曹縣正統十一年

又別置曹州以縣屬焉仍隸兗州府

本朝雍正二年改屬曹州

曹南山在縣南八里詩曹風南山朝濟傳南山曹南山也春秋僖公十九年宋人曹人盟于曹南又景山在縣東南四十里地說云即詩所謂景山與京也

黃河自河南儀封廳界流入逕縣及單縣南東流入江南碭縣界為河流最要害處有太行堤在二縣南共長一百五十里又臨河堤亦在二縣縷水堤之南賈魯河在縣西四十里元至正中工部尚書賈魯所開即金龍決河所由入徐道也

本朝屢加修築

汜水在縣北四十里與定陶分界史記高祖紀漢五年即位汜水之陽黃水自河南考城縣流入逕縣北又逕城父及單縣南

東南流入江南豐縣界今堙

漢薄縣故城在縣南二十餘里隋楚丘故城在縣東南蒙澤故城在縣南十里卽古貫地春秋僖公二年齊侯宋公江人黃人盟于貫濟陰故城在縣西北唐濟陽故城在縣西南五十里安陽城在縣東三醜城在縣西南安陵城在縣西北莘故城在縣北莘冢集

定陶縣

簡西北至府四十里

唐堯初封于此夏爲三變國周爲曹國都春秋末屬宋戰國屬齊秦屬碭郡後置定陶縣漢高帝五年置梁國景帝中六年改置濟陰國甘露二年更爲定陶國建平二年復爲濟陰郡後漢作國晉復曰郡北齊郡廢唐初屬曹州貞觀元年省入濟陰縣宋太平興國二年改置廣濟軍四年復置定陶縣爲軍治熙甯

四年軍廢縣屬曹州元祐初復于縣置軍金罷軍明洪武初省縣入曹州四年復置定陶縣屬濟甯府十八年屬兗州府正統十一年改屬曹州

陶丘在縣西南七里墨子以爲釜丘

荷澤在縣北書禹貢導荷澤被孟諸又濟溢爲滎東出于陶丘北又東至于荷按卽濟水分流又逕鉅野縣入濟甯州金鄉縣界

縣故城在今縣西北四里明洪武四年徙今治

荆城在縣東北二十里

濮州

繁疲難南至府一百二十里

有瓠河一鎮

春秋時衛鄆邑戰國屬齊秦屬東郡漢置鄆城縣屬濟陰郡後漢末移兗州治此晉改屬濮陽國後魏爲濮陽郡治隋開皇初

郡廢十六年始置濮州大業初州廢唐武德四年復置天寶初改曰濮陽郡乾元初復曰濮州宋曰濮州濮陽郡金曰濮州屬大名府路元初屬東平路至元五年直隸中書省明屬東昌府本朝雍正八年升直隸州十三年改屬曹州府

歷山在州東南七十里接荷澤縣界

古瓠子河自直隸開州流入逕州南又逕鄆城縣南入兗州府

壽張縣界濮水在州南鄆道元云與濟同入鉅野

雷澤在州東南接荷澤縣界書禹貢雷夏既澤相近有姚墟

鄆城故城在州東二十里漢成陽故城城都故城都關故城並

在州東南隋臨濮故城在州南六十里

堯城在州東南三十五里偃朱城在州東洮城在州南春秋僖公八年盟于洮

盧津關在州西北與觀城分界

范縣 簡南少西至府一百六十里 有安定一鎮

春秋時晉范邑漢置縣屬東郡晉屬東平國後魏泰常中別置東平郡治此太和末罷建義中復置北齊郡縣俱廢隋開皇十六年復置范縣唐武德二年兼置范州五年州廢屬濟州又屬濮州元初屬東平路至元二年還屬濮州明屬東昌府本朝雍正八年與觀城朝城並分屬濮州十三年並改屬曹州府

縣故城在今縣東南明洪武十三年徙今治漢廩丘故城亦在縣東南春秋襄公二十六年公會齊人于廩丘

羊角城在縣南左傳襄公二十六年齊烏餘以廩丘奔晉襲衛羊角又高魚城在縣東南襄公二十七年齊烏餘襲我高魚顧

城在縣南三十里詩商頌韋顧既伐又中城亦在縣南春秋成
公九年城中城

秦亭在縣南三里春秋莊公三十一年築臺于秦

觀成縣 簡南至府一百七十里 有武鄉一鎮

本古觀國春秋時為衛地漢置畔觀縣屬東郡後漢建武十三
年更名為衛國晉屬頓丘郡隋開皇六年改曰觀城屬武陽郡
唐初屬澶州貞觀十七年省大歷七年復置宋皇祐元年省入
濮陽頓丘二縣四年復置屬開德府金屬開州元屬濮州明屬
東昌府

浮水故瀆在縣南即澶水也

畔觀故城在縣西後魏臨黃故城在縣東南隋河上廢縣在縣
東北

朝城縣 簡南至府二百一十里

漢置東武陽縣屬東郡後漢初平中嘗為郡治建安十七年改
屬魏郡三國魏改屬陽平郡後魏改曰武陽縣北齊廢後周復
置屬魏州隋開皇十六年改屬莘州大業二年屬武陽郡唐初
屬魏州又屬莘州貞觀元年還屬魏州十七年省入臨黃莘縣
永昌元年復置曰武聖開元七年改曰朝城天祐三年復曰武
陽縣五代後唐仍改曰朝城宋崇寧四年改屬開德府金屬大
名府元屬東平路至元五年改屬濮州明屬東昌府

武水在縣北即古漯水

東武陽故城在縣西四十里

東昌府 衝繁

原額人丁三十六萬零二百四十五
又滋生人丁一萬零四十

禹貢兗州之域周為齊衛二國之境戰國時分屬齊趙秦漢為東郡地三國魏改屬平原郡晉屬平原國後魏太常八年置濟州太和十一年改置平原郡武泰初分置南冀州永安中州廢隋開皇初郡廢十六年置博州大業初州廢改屬武陽郡唐武德四年復置博州天寶初改曰博平郡乾元初復曰博州宋曰博州博平郡金曰博州元初屬東平路至元四年析為博州路總管府十三年改為東昌路明洪武初改為東昌府本朝因之上河水利通判一 下河水利通判一 駐武城

府境

東西距二百二十里 南北距二百八十里

八到

東至濟南府長清縣界一百里 西至直隸元城縣界一百二十里 南至兗州府陽穀縣界三十里 北至直隸故城縣界二百五十里 東南至泰安府東阿縣界九十里 西南至大名府開州治二百六十里

東北至濟南府齊河縣界一百八十里 西北至直隸棗強縣治二百五十里 自府治至 京師九百四十里

土貢

絲 綿 平絹 鹽 南粉 荳莠席 棉花 梨 棗 牽牛子

管縣九州一

聊城 堂邑 博平 茌平 清平 莘 冠 館陶

恩 高唐州

聊城縣

衝繁雜郭下

有崇武水馬一驛王官一鎮

春秋時齊西境聊攝地漢置聊城縣屬東郡三國魏改屬平原郡後魏太和十一年為郡治隋初郡廢開皇十六年為博州治大業初州廢以縣屬武陽郡唐復為博州治天祐三年改曰聊邑後唐同光初復故元為東昌路治

運河自兗州府陽穀縣流入縣境又逕堂邑博平清平北流入

臨清州界衛河舊名御河亦曰永濟渠一名白溝又名清河卽古淇水自直隸元城縣流入縣境又逕冠縣館陶至臨清州界與會通河合爲漕河

古黃河在府境按黃河自兩漢迄唐宋皆經府境金元以後南合于淮去郡始遠自明宏治中築斷黃陵岡而沙灣之流亦絕今考自大名府元城縣入境東北歷冠縣館陶堂邑清平博平高唐諸州縣以入濟南府平原德州界者西漢黃河之故道其自在平以入濟南府禹城平原界者東漢以後黃河之故道其在縣南以至平陰縣界者唐及五代之故道

縣故城在今縣西北十五里隋武水故城在縣西南夷儀城在縣西南十二里春秋僖公元年邢遷于夷儀攝城在縣東北微子城在縣東北十八里舊說紂庶兄封邑于此賴城

在縣西史記晉趙鞅伐齊至賴而去

堂邑縣

衝疲難至府四十里

有侯國一鎮

春秋時齊清邑漢置清發于二縣皆屬東郡後漢改清縣曰樂平晉改屬陽平郡北齊二縣俱省隋開皇六年始置堂邑縣屬毛州大業初屬武陽郡唐初仍屬毛州貞觀初改屬博州五代晉改爲河清縣尋復曰堂邑元屬東昌路

縣故城在今縣西十里宋熙寧初圯于水始徙今治發干故城在縣西南二十三里清縣故城在縣東南

博平縣

衝繁南至府四十里

春秋時齊博陵邑漢置博平縣屬東郡晉改屬平原國隋初屬毛州後屬博州大業初改屬清河郡唐初屬博州貞觀十七年省入聊城縣天授二年復置仍屬博州元屬東昌路

鳴犢河在縣北又東北逕高唐州南班固云清河郡靈河水別出爲鳴犢河東北至蓀入屯氏河又潛河在縣西南七里今湮縣故城在今縣西北三十里宋徙今治

荏平縣

衝繁難西少南至府六十里

有荏山一驛廣平一鎮

漢舊縣以縣東北荏山名屬東郡後漢改屬濟北國晉屬平原國北齊廢隋開皇初復置屬清河郡唐初屬博州貞觀八年省入聊城金天會中劉豫復置荏平縣元屬東昌路

牡丘在縣東十里春秋僖公二十五年諸侯同盟于牡丘又縣西南二十五里有重丘與聊城縣接界襄公二十五年諸侯同盟于重丘

縣故城在今縣西二十里後魏濟州故城在縣西南卽碣磝城也晉永和八年姚襄屯碣磝津

清平縣

衝繁南南至府七十里

有清陽水驛巡檢駐魏家灣

漢置厝貝丘二縣皆屬清河郡後漢安帝改厝曰甘陵移清河國治焉晉改甘陵曰清河北齊徙清河郡于信成省貝丘縣入清河改清河曰貝丘隋開皇六年改貝丘曰清陽仍分置貝丘縣十六年始改貝丘曰清平與清陽皆屬清河郡唐屬博州永昌初徙清陽縣于清河五代周時以清平屬大名府元屬德州明改屬東昌府

貝丘故城在縣西南甘陵故城在縣南縣故城在今縣西四十里宋元豐間潔河決壞城徙今治

莘縣

簡東北至府七十里

有馬橋一鎮

春秋時衛莘邑漢置陽平縣屬東郡晉屬陽平郡永嘉後省入樂平後魏太和二十一年復置北齊改縣曰樂平後周建德七

年于此置武陽郡隋開皇初郡廢六年復改縣曰陽平八年又改曰清邑十六年置莘州大業初州廢改縣曰莘縣唐武德五年復置莘州貞觀元年州廢縣屬魏州宋屬大名府元改屬東昌路

古漯河黃河支流也故道自曹州府朝城縣流入逕縣東又逕堂邑聊城博平清平及高唐州入濟南府禹城縣界馬頰河在縣西五十里亦自朝城流入又逕堂邑清平夏津高唐州恩縣東北入濟南府界

隋莘亭故城在縣北

岡成城在縣西

冠縣 衝繁難東至府一百里 有清水固獻二鎮

春秋時晉冠氏邑漢為館陶縣地隋開皇六年始析置冠氏縣

屬武陽郡唐初屬毛州貞觀初改屬魏州宋屬大名府元初屬東平路至元六年升為冠州明洪武初降為縣屬東昌府冠氏故城在縣北

黃城在縣南本趙邑後屬魏史記宣公四十三年伐晉毀黃城館陶縣 簡東南至府一百二十里 有南館陶一鎮

漢舊縣屬魏郡晉屬陽平郡石趙徙郡治此後周大象二年兼置毛州隋開皇初郡廢大業初州廢以縣屬武陽郡唐武德五年復置毛州貞觀初州廢縣屬魏州宋屬大名府元初屬東平路至元三年改屬濮州明洪武初改屬東昌府

古屯氏河故道自縣東北流逕臨清又逕清平夏津高唐州恩縣界班固云館陶河水別出為屯氏河東北至章武入海過郡四行千五百里漳河自大名府東北流入縣界又東北逕臨清

州丘縣界合衛河

恩縣 衝繁疲難西南至府一百八十里

有太平一驛白馬四女樹二鎮縣丞駐四女樹

本漢東陽縣地屬清河郡後漢省晉以後為武城郟二縣地隋開皇十六年析置歷亭縣唐屬貝州宋屬恩州金徙恩州治此屬大名府路元初仍為恩州屬東平路至元二年以州治歷亭縣省入七年以州直隸中書省明洪武二年降州為恩縣改屬高唐州

本朝屬東昌府

東陽故城在縣西北左傳昭公二十二年晉荀吳畧東陽歷亭故城在縣西四十里後魏索盧廢縣在縣北

高唐州 衝繁難西南至府一百十里 有魚丘一驛固河一鎮

漢置靈縣屬清河郡後漢初省永元九年復置屬清河國後魏景明三年始分置高唐縣後又于靈縣置南清河郡以高唐屬之北齊廢郡及靈縣以高唐屬清河郡隋屬武陽郡唐屬博州長壽二年改縣曰崇武神龍元年復故五代梁改曰魚丘後唐復故晉又改曰齊城漢初復故元初屬東昌路至元七年升為高唐州明洪武初省縣入州改屬東昌府

靈縣故城在州西南與博平縣接界

青州府 衝疲難 原額人丁二十三萬二千零五十八 又滋生人丁一萬四千七百零三

古爽鳩氏之墟禹置青州周為齊國秦始皇二十六年置齊郡漢元年復為齊國元封元年國除為郡五年復置青州後漢建武十三年復置齊國晉永嘉末陷于石氏義熙五年劉裕平燕

復置青州齊郡後周置總管府隋開皇十四年府廢大業三年
州廢改曰北海郡唐武德四年復曰青州置總管府貞觀元年
府罷天寶元年復曰北海郡至德元載置青密節度使乾元元
年復曰青州三年改淄青平盧節度使宋曰青州北海郡淳化
五年置鎮海軍節度慶歷三年為京東東路治金改曰山東東
路置南青州節度後改曰益都府升為總管府元曰益都路明
洪武初仍曰青州府置山東行中書省九年改布政使司移治
濟南以青州為屬府

府境

東西距二百七十五里
南北距三百四十里

入到

東至萊州府濰縣界九十五里
西至濟南府淄川縣界一百八十里
南至沂州府沂水縣界一百五十里
北至武定府利津縣界一百九十里
東南至海五百里
西南至兗州府治四十二十里

東北至海一百八十里
西北至武定府治二百三十里
自府治至京師一千里

土貢

綾絹 布 鹽 鐵 海物 五色土 紅藍紫州
棗 牛黃 藥 陶器

管縣十一

益都 博山 臨淄 博興 高苑 樂安 壽光 昌

樂 臨朐 安丘 諸城

益都縣

繁茂難郭下 有青社一驛顏神一鎮縣丞駐金嶺

漢置廣縣屬齊郡晉改屬東莞郡永嘉後廢義熙五年于縣界
築東陽城為青州治所北齊始置縣曰益都青州及齊郡皆治
此隋為北海郡治唐為青州治金為益都府治明為青州府治
為山今名九回山在縣西四十里班固云廣縣為濁水所出
東北至廣饒入鉅定呂忱曰濁水一名溷水亦謂之澗水北流

注巨淀今名北陽水

長峪在縣西南亦名馬陘亦名弁中峪亦名萊蕪谷左傳成公二年晉師從齊師入自丘與擊馬陘又襄公二十五年閔丘嬰與申鮮虞乘而出行及弁中

長沙水源出縣西南石膏山亦名南陽水東流入巨陽水又灤水今名孝婦河源出博山縣西北流入濟南府界

廣縣故城在縣西南四里漢柳泉故城在縣東晉廣固故城在縣西北晉東萊人曹嶷為刺史所造義熙五年劉裕克廣固毀其城隍而改築東陽城為州治云

博山縣

簡東北至府一百八十里

有金嶺一鎮

本淄川縣之顏神鎮地元初嘗置行淄川縣于此至元二年縣廢以鎮隸益都明嘉靖十七年設通判駐此

本朝雍正十二年始以益都之孝婦懷德二鄉二十四社及淄川之大峪等二十一莊萊蕪之萊疇等七莊置縣

岳陽山亦名原山在縣東三十里班固云萊蕪縣原山留水所出東至博昌入泲

臨淄縣

簡東南至府五十五里

本古營丘地周初以封太公望為齊國獻公自薄姑徙都此曰臨淄漢置臨淄縣為齊郡治後漢并為青州治宋魏為齊郡治北齊移郡治益都縣廢臨淄入焉隋開皇十六年復置屬北海郡唐屬青州金屬益都府元至正三年省入益都縣十五年復置屬益都路明屬青州府

菟頭山在縣東南十五里班固云東安平縣菟頭山女水所出東北至臨淄入鉅定平山在縣南十里晏子春秋景公遊于牛

山又南五里有猗山詩齊風遭我乎猗之間兮稷山在縣西南
十三里史記齊宣王時稷下學士復盛虞喜志林齊有稷山立
館其下也又社山在縣西說苑齊宣王獵于社山

淄水源出博山縣岳陽山從長峪道逕益都縣至縣東又北逕

樂安壽光縣界合清水泊入海書禹貢青州濰淄其道周禮職

方氏東北曰幽州其浸菑時水一名邳水亦名如水源出縣

西南平地西北逕新城博興縣界合小清河東注海左傳襄公

三年盟于邳外班固云博昌時水東北至鉅定入馬車瀆幽州

甯又灑水在縣西西北流入時水所謂灑中也又系水澗水竝

在縣西亦注時水

天齊淵在縣東南八里

縣故城在今縣北八里漢東安平故城在縣東西安故城在縣

西劉宋高陽僑郡城在縣西北隋時水故城在縣西北三十里

古鄆邑在縣東春秋莊公三年紀季以鄆入于齊畫邑城在縣

西北二十里營城在縣北索頭城在縣東南

葵丘渠丘在縣西左傳莊公八年連稱管至父成葵丘成公九

年楚子重圍渠丘營丘在縣西北班固云臨淄名營丘又袁婁

在縣西春秋成公二年及國佐盟于袁婁莊嶽在縣北

博興縣簡東南至府一百十里有淳化一鎮

本漢博昌樂安二縣地屬千乘郡後漢屬樂安國晉省樂安入

博昌宋移博昌縣于壽光縣界而于故縣地僑置樂陵郡領樂

陵陽信等縣屬冀州後魏屬青州隋開皇初郡罷十六年移治

故樂安縣界仍改曰博昌屬北海郡唐武德二年屬乘州八年

州廢屬青州總章二年還治故博昌縣界後唐改曰博興金屬

益都府元初升為博興州屬益都路明初州廢仍為博興縣
貝丘在縣南左傳莊公八年齊侯田于貝丘

博昌故城在縣南樂安故城在縣北漢高昌故城在縣西南利
縣故城在縣東隋新河廢縣在縣東北

蒲姑城在縣東北亦曰薄姑本殷周間諸侯國書序成王東伐
淮夷遂踐奄遷其君于蒲姑

高苑縣 簡東南至府一百五十里 有田鎮一鎮

本戰國時齊之千乘狄邑地漢高帝分齊置千乘郡治千乘領
狄被陽高苑等縣後漢永平三年置千乘國永元七年改曰樂
安國移治狄縣領千乘高苑而被陽縣廢永初二年改狄縣為
臨濟晉仍曰樂安國移治高苑領臨濟而千乘縣亦廢晉末地
入于魏因移置樂安郡于齊郡界宋復于故狄城僑置長樂縣

及勃海郡北齊郡廢移縣治被陽城隋開皇十八年改曰會城
大業三年又改曰高苑屬齊郡唐武德元年屬鄒州八年州廢
屬淄州宋景德三年于縣置宣化軍熙寧三年軍廢仍屬淄州
元至元二年改屬益都路明屬青州府

黃河故道在縣北後漢書永平十二年遣將作謁者王吳修汴
渠自滎陽至于千乘海口又漯河故道亦在縣北久湮班固云
漯水東至千乘入海濟河故道自新城縣流入逕縣北又東逕
博興樂安縣界入于海按卽今小清河本逕高苑博興之北金
皇統中改由縣南自博興以東又皆時水經流也

千乘故城在縣北二十五里臨濟故城建信故城在縣西北劉
宋長樂僑縣城在縣西

樂安縣 繁難南少東至府九十里 有樂安高家港二鎮塘
頭一寨

漢置廣饒鉅定二縣屬齊郡後漢俱省晉復置廣饒縣屬齊國
北齊廢隋開皇初移置千乘縣于此屬北海郡唐武德二年于
縣置乘州八年州廢縣屬青州金改曰樂安屬益都府明屬青
州府

海在縣東北縣境及壽光諸城二縣皆瀕海其在縣境及壽光
北界者又名勃海

鉅定湖今名清水泊在縣東北四十里接壽光縣界淄水女水
北陽水俱匯于此又馬車瀆在縣東北五十里今名高家港班
固云鉅定縣馬車瀆水首受鉅定東北至琅槐入海

廣饒故城在縣東北鉅定故城在縣北漢琅槐故城在縣東北
一百十里

壽光縣

繁疲難西南至府七十里

有廣陵侯鎮二鎮縣丞
駐侯鎮

本古斟灌氏地春秋爲紀國地漢置壽光縣屬北海郡後漢屬
樂安國宋省壽光改置博昌縣于此北齊廢隋開皇六年復置
復故名曰壽光仍屬北海郡唐武德二年屬乘州八年州廢還
屬青州金屬益都府明屬青州府

縣故城在今縣東漢劇縣故城在縣東南益縣故城在縣西平
望故城在縣東北樂望故城在縣東二十里益都故城有二一
爲漢侯國在今縣西北一爲三國魏所置與隋閭丘故城竝在
縣南

斟灌城在縣東北紀城在縣南左傳隱公元年紀人伐夷又牟
城在縣東北二十里或謂卽春秋牟子國

官臺鹽場在縣北七十里有鹽官產鹽按晉書慕容德置鹽官
于烏常澤當卽此

昌樂縣

疲難西至府七十里

有丹河一驛

本古營丘地漢置營陵縣爲北海郡治後漢置北海國治劇縣以營陵屬之晉初屬東莞郡元康十年改屬高密郡後魏屬平昌郡北齊省隋開皇十六年復置改曰營丘屬北海郡大業八年廢唐武德初于縣權置杞州二年州廢復爲營丘縣屬濰州八年省入北海宋乾德三年改置安仁縣尋又改曰昌樂元至元三年省入北海明初復置屬青州府

丹山一名紀山在縣西南五十里接臨朐縣界西丹水白狼水竝發源于此史記黃帝東至于海登丸山注徐廣曰丸一作丹魏王泰曰丸山卽丹山又方山在縣東南二十里東丹水瀆水竝出此山

縣故城在今縣西北十里明初復置始移今治營陵故城在縣

南漢劇魁故城在縣西北

臨朐縣

簡北少西至府四十五里

有巡檢駐穆陵關

漢舊縣以臨縣東南朐山爲名屬齊郡劉宋省後魏改置昌國縣隋開皇六年改曰逢山大業二年復曰臨朐屬北海郡唐屬青州金屬益都府元至元三年併入益都十五年復置屬益都路明屬青州府

大峴山在縣東南一百五里魏書刀雍爲叔孫建大峴以南處處狹隘不得方軌穆陵關卽在山上又天弁山在縣東南沐水所出

沂山在縣南九十里與沂水縣接界亦曰東泰山周禮職方氏正東曰青州其山鎮曰沂山班固云朱虛縣東泰山汶水所出東至安丘八維桉爾雅斥山之文皮當卽此沂沂斥字近而轉

逢山在縣西二十五里殷諸侯逢伯陵之國班固云臨朐縣有逢山祠神裔元年祠逢山石社石鼓于臨朐又嵩山在縣西南六十里有畧水洞出銀鑛又出鉛鐵銅錫丹砂之類其相連黑山亦有鑛義山在縣東北五十里亦名堯山堯河出此班固云劇縣義山澗水所出東北至壽光入海按卽堯河也

破車峴在縣東道徑險惡因名
巨洋水亦名瀾河源出縣南沂山西麓北流逕縣東又逕益都壽光東北會黑冢泊入于海班固云臨朐縣石膏山洋水所出東北至廣饒入鉅定大河在縣南六十里東北流注瀾河龍泉亦在縣南注瀾河

漢朱虛故城在縣東餅縣故城在縣東北亦作邾又作駢春秋莊公元年齊侯遷紀邾鄆部臨原故城在縣東般陽故城在縣東南漢般陽縣在淄川宋魏間移治于此都昌故城在縣東北漢都昌縣在今昌邑沈約云青州北海郡都昌縣與郡皆寄治州下金穆陵廢縣在縣南今爲穆陵關

長城在縣南與沂水接界酈道元云朱虛縣泰山上有長城西接岱山東連琅邪巨海千有餘里蓋田氏之所造也校城在縣東

安丘縣

疲難西北至府一百六十里

有李丈景芝二鎮

漢舊縣屬北海郡晉初屬東莞郡惠帝改置平昌郡北齊郡縣俱廢入昌安隋開皇十六年改置牟山縣大業初改曰安丘省昌安入之屬高密郡唐武德六年移治昌安故城仍曰安丘屬密州乾元二年改曰輔唐五代梁開平二年復曰安丘後唐同光初復曰輔唐晉天福七年改曰膠西宋開寶四年復曰安丘

仍屬密州明初改屬青州府

牟山在縣西南十五里隋牟山縣取名于此故城卽在山北
山在縣西南六十里酈道元云汶水出朱虛縣東南唔山在
小泰山東又浯水自沂州府莒州流逕諸城縣入縣東南四十
里入濰水今浯水堰在縣南

縣故城有二一在縣西南漢置屬北海郡一在縣東南界漢侯
國屬琅邪郡漢平昌故城在縣南部城故城在縣西南唔山北
淳于故城在縣東北隋牟山故城在縣西南牟山北漢成鄉廢
縣在縣北

渠丘在縣南一里左傳成公九年楚子重自陳伐莒圍渠丘
諸城縣 疲難西北至府二百八十里

有藥溝一驛信陽龍
灣普慶芝盤四鎮夏
河一寨巡檢駐信陽

本春秋時魯諸邑及齊琅邪邑地秦置琅邪郡漢初置東武縣
爲郡治并領琅邪諸縣後漢改置琅邪國于開陽以東武等三
縣屬之晉初省琅邪縣以東武諸縣屬城陽郡太康十年屬東
莞郡宋以東武縣分屬平昌郡後魏永安二年置東武郡兼置
膠州北齊改置高密郡又置膠州省諸縣入之隋開皇初郡廢
五年改州曰密州十八年改東武縣曰諸城大業初州廢爲高
密郡唐武德五年復曰密州天寶元年復曰高密郡乾元元年
復曰密州宋曰密州高密郡開寶五年升安化軍節度金曰密
州明洪武元年始廢密州以縣屬青州府

琅邪山在縣東南一百五十里亦曰琅邪臺漢置琅邪郡以此
名爲八祠之一其山三面皆海惟西南通陸山海經琅邪臺在
勃海之間琅邪之東五弩山在縣東南三十里水經膠水出黔

陬縣膠山注膠水出五弩山蓋膠山之殊名也又山側有鄆日山亦名奕山鄆道元云密水西源出奕山亦曰鄆日山也盧山亦在縣東南三十里本名故山班固云橫縣故山久台水所出東南至東武入淮又縣南二十里有常山縣西南五十里有馬耳山鄆道元云扶淇水出東武縣西南常山涓水出馬耳山荆山在縣西北四十里鄆道元云荆水出平昌縣南荆山東北流注濰水又縣東北五十里有巴山濰水東北至巴山合密水濰水自沂州府莒州東流入縣境逕縣北五里又北流入萊州府高密縣界又北逕安丘縣仍入萊州府界濰水故堰在縣東北折泉水在縣西南七十里班固云折泉水北至箕入濰又縣境扶淇水涓水盧水密水商溝河等竝注濰鄆道元云密水有二源西源出奕山東源出五弩山西北流同瀉一壑俗謂之百

尺水古人場以溉田數十頃

諸縣故城在縣西南三十里琅邪故城在縣東南一百五十里琅邪山下漢橫縣故城在縣東南四十里昌縣故城在縣東南石泉故城在縣東北昆山故城在縣西南六十里姑幕故城在縣西北五十里折泉故城在縣西南七十里茲鄉故城在縣西北春秋昭公五年莒牟夷以牟婁及防茲來奔後魏梁鄉故城在縣東南扶淇故城在縣西北婁鄉城在縣西南四十里春秋隱公四年莒人伐杞取牟婁又衆利城在縣西北城陽城在縣北

武定府

繁難

原額人丁二十七萬七千九百五十六
又滋生人丁一萬五千九百六十四

禹貢兗州之域春秋戰國齊地漢屬平原郡晉置樂陵郡治此

後魏屬樂陵郡北齊廢隋改置于南界屬勃海郡唐貞觀十七年改置棣州天寶元年改樂安郡乾元元年復曰棣州屬河南道宋亦曰棣州屬河北東路金屬山東東路元中統三年置濱棣路至元二年罷以州屬濟南路明洪武六年改曰樂安州宣德元年又改曰武定州屬濟南府

本朝雍正二年升為直隸州十二年又升為府

府境 東西距二百八十里

八到 南北距二百七十里

東至青州府樂安縣界一百四十里

西至濟南府德平縣界一百四十里

南至濟南府齊東縣界八十里

北至海一百九十里

東南至青州府博興縣界一百五十里

西南至濟南府臨邑縣界一百六十里

東北至海二百十里

西北至直隸河間府南皮縣界一百四十里

自府治至京師七百里

土貢 絹 鹽 藥

管縣九州一

惠民 青城 陽信 海豐 樂陵 商河 濱州 利

津 霑化 蒲臺

惠民縣 繁疲難郭下 有清河永利葦索淄角四鎮

漢置厭次縣後改富平侯國屬平原郡後漢初曰富平永平五年復曰厭次晉為樂陵郡治魏屬樂陵郡隋改屬勃海郡唐武德四年屬棣州八年州廢屬滄州貞觀元年屬德州十七年復于縣置棣州天寶元年改樂安郡治乾元元年仍為棣州治宋大中祥符八年移治陽信縣界明洪武元年省入州本朝雍正十二年復置惠民縣為府治

豆子航故鹽澤也在縣境與陽信海豐連界新唐書厭次賊格

謙為盜在豆子甃中

厭次故城在府治東圖說厭次自古凡六徙明統志云在陵縣東北三十里即今神頭鎮此秦及西漢之厭次也漢明帝更富平為厭次在陽信東南三十里乃今桑落墅此東漢之厭次也晉厭次治馬嶺城元魏因之今馬嶺城在陽信東十里此晉及元魏之厭次也北齊廢厭次隋開皇間復置唐貞觀中又置棣州于此今之陷棣州此隋唐之厭次也後梁華溫琪徙棣州于今之故城厭次即為附郭此五代之厭次也宋大中祥符再徙棣州于陽信之高氏莊而厭次又隨州徙今州東察院乃宋元以來之厭次也按惟西漢故城在今陵縣一條未知何據

出鹽數十萬斛

青城縣

簡西北至府六十里

有田鎮一鎮

漢置東鄒縣屬千乘郡後漢省晉復置鄒縣屬樂安國宋省後魏為臨濟縣地唐宋為鄒平縣地元太宗七年置青城縣屬濟南路中統中改屬陵州至元二年又屬河間路明洪武二年省入鄒平齊東二縣十四年復置屬濟南府

本朝雍正十二年改屬

大清河自濟南府齊東縣流入逕縣北十八里與惠民縣分界又東北流逕濱州蒲臺利津入于海

東鄒廢縣在縣境

陽信縣

簡西至府四十里

有欽風一鎮

漢舊縣在今海豐縣界屬勃海郡後漢省延光元年復置晉改

屬樂陵國北齊始徙置于今縣界隋開皇六年于縣置棣州大業二年改曰滄州尋改爲勃海郡唐武德四年復置棣州州尋廢還屬滄州貞觀十七年改置棣州于厭次以陽信爲屬縣宋元明不改

本朝雍正二年分屬武定州

篤馬河卽馬頰河亦名陷河在縣南又東北入海

縣故城在今縣南

馬嶺城在縣東酈道元云在河曲之中東海王越斬汲桑于此雲城在縣東北五里

海豐縣簡西南至府六十里

有分水一鎮巡檢駐大沽河

漢置陽信縣屬勃海郡後漢初省延光二年復置晉改屬樂陵國北齊徙廢隋爲無棣縣地五代周顯德五年分縣南置保順

軍宋治平中又移無棣縣置保順軍仍屬滄州元初割縣之半

屬棣州曰東無棣縣明永樂中避諱改曰海豐後屬武定州

馬谷山在縣北六十里

海在府境東北海豐霑化利津三縣皆瀕海東北接青州府樂安縣界北接直隸鹽山縣界

廣武城龍且城並在縣北

樂陵縣廢難東南至府九十里

有舊縣一鎮

漢舊縣屬平原郡爲都尉治後漢建安末置樂陵郡晉初移郡于厭次以樂陵爲屬縣後魏初于縣置義興郡太和中罷仍移樂陵郡來治隋開皇初郡廢屬勃海郡唐武德四年屬棣州六年屬滄州宋金元不改明洪武初改屬樂安州後屬武定州鬲津河在縣西按王橫以爲九河之地爲海所漸酈道元等皆

從其說此鬲津諸河姑從圖經所有列入

縣故城在今縣西南三十里明洪武二年徙今治漢重合故城在縣西隋鬲津故城在縣西北

東鄉城在縣東

商河縣 簡東北至府九十里

漢置枋縣屬平原郡後漢省隋開皇十六年改置滴河縣屬勃海郡唐武德四年改屬棣州六年屬滄州貞觀元年屬德州十七年仍屬棣州宋改曰商河明屬濟南府

本朝雍正十二年改屬

古黃河自濟南府德平縣流入迺縣及樂陵二縣界又東迺惠民濱州蒲臺至利津入海古商河在縣北自濟南府臨邑縣流入又迺惠民縣及濱州北注海今涇

麥上城在縣西北史記趙惠文王十九年趙奢將兵攻齊麥上取之王彥章城在縣東二十里

濱州

繁難西至府九十里

有蒲臺一鎮

漢千乘郡涇沃縣地晉魏屬樂陵郡隋為勃海郡蒲臺縣地唐垂拱四年始析置勃海縣屬棣州五代周顯德三年始于縣置濱州宋大觀二年賜名勃海郡金屬山東東路元初別為濱棣路至元二年省屬濟南路明洪武初省勃海縣入州屬濟南府本朝雍正二年升為直隸州十二年改屬武定府

勃海故城在州東北

大瑩城在州西二十五里

舊權鹽務在州北門外五代志五代之際置權鹽務于海傍後為贍國軍周因置濱州

利津縣

繁西至府一百五十里

有豐國一鎮巡檢駐

漢千乘縣地隋蒲臺縣地唐棣州勃海蒲臺二縣地宋屬濱州

金明昌三年始升永利鎮置利津縣屬濱州

本朝雍正十二年屬武定府

縣故城在今縣東

霑化縣

難西南至府七十里

有永豐久山二鎮

漢涇沃縣地隋蒲臺縣地宋慶歷三年始升招安鎮為縣熙寧六年省入勃海元豐二年復置屬濱州金明昌六年改曰霑化鉤盤河自濟南府流入分為二一由德平商河陽信至縣東南劉家道口入海一由德平樂陵海豐至縣東北久山鎮入海官窰城有二一在縣東七十里一在利津縣東北七十里舊時煮鹽之所嘗屯兵于此又舊富國場在縣東

蒲臺縣

疲難西至府一百二十里

有龍混一鎮

漢置涇沃縣後漢省魏復置晉屬樂陵郡北齊廢隋開皇十六年改置蒲臺縣屬勃海郡唐武德初屬鄒州八年州廢屬淄州貞觀六年省入高苑七年復置十七年割屬棣州五代周顯德中屬濱州宋大中祥符五年省金復置仍屬濱州元中統五年改屬般陽路明初還屬濱州

涇沃故城在縣西北

秦堤在縣北舊傳秦始皇築

乾隆府廳州縣圖志卷十六

賜進士及第翰林院編修充

國史館纂修官

臣洪亮吉撰

山東布政使司

沂州府

衝繁難

原額人丁一十萬七千三百八十四
又滋生人丁一萬三千六百二十七

禹貢徐州之域春秋魯地秦置琅邪郡漢初為東海郡地後漢

建初五年置瑯邪國宋移郡治即丘後魏永安二年置北徐州

治此周改北徐州曰沂州隋開皇初郡廢大業初仍改州為瑯

邪郡唐復曰沂州天寶初亦曰瑯邪郡乾元初復曰沂州宋曰

沂州瑯邪郡金曰沂州元屬益都路明洪武初屬濟寧府五年

改屬濟南府十八年改屬兗州府

本朝雍正二年升為直隸州十二年又升為府

曾孫用勲校刊

府境

東西距五百二十里

八到

東至海三百里

西至兗州府泗水縣界二百二十里

南至江州府臨朐縣界一百四十里

北至青州府臨朐縣界一百七十里

東南至江州府臨朐縣界一百五十里

西南至兗州府臨朐縣界一百五十里

東北至青州府臨朐縣界三百里

西北至泰安府新臺縣界二百六十里

自府治至京師一千六百五十里

土貢

布 紫石英 鍾乳石 蒙頂茶 淫羊藿 茯苓
草龍膽 繭綢 鹽 鉛 石

管縣六州一

蘭山 郟城 費 莒州 蒙陰 沂水 日照

蘭山縣

衝繁難郭下

有李家莊徐公店二驛長江羅滕二鎮巡檢駐青社寺

漢置開陽即巨臨沂三縣皆屬東海郡後漢建初五年以開陽為瑯邪國治南北朝宋移郡治即巨省開陽臨沂二縣入之隋

開皇十六年置臨沂縣為沂州治大業初為瑯邪郡治省即巨入之唐宋元皆為沂州治明洪武初省入州

本朝雍正十二年置蘭山縣為沂州府治

繒山今名層山在縣南九十里後漢建武五年光武敗董憲等于建陽憲及龐萌走入繒山又縣西南九十里有寶山上有洞穴數區產金銀鑛石元時開鑛處也艾山在縣西三十里春秋隱公六年公會齊侯盟于艾

即巨故城在縣東南五十里開陽故城在縣北十五里臨沂故城在縣北五十里今名臨沂社漢襄賁故城在縣西南一百二十里利城故城在縣東百里魏其故城在縣南縣故城在今縣南九十里蘭山社

中丘城在縣東北三十一里春秋隱公七年夏城中丘又許田

城在縣西北五十五里左傳隱公八年鄭伯以祊易許田後人以是名城又郟城在縣東三十餘里春秋魯叔孫氏邑王僧辯城在縣東北

次睢社在縣東北左傳僖公十九年宋公使邾文公用鄫子于次睢之社

郟城縣 衝繁難西北至府一百二十里 有紅光埠一驛磨山一鎮

春秋郟子國漢置郟縣并置東海郡屬徐州後漢為徐州刺史治晉仍為東海郡治宋徙郡治襄賁縣仍屬焉東魏武定八年置郟郡隋開皇初郡廢改屬泗州大業初屬下邳郡唐武德四年屬邳州貞觀初省縣入下邳元和中復置郟城縣屬徐州尋省入臨沂縣元末復置屬沂州

故郟城在縣西與邳州接界春秋宣公四年公及齊侯平莒及

郟襄公七年郟子來朝

費縣 簡東南至府九十里 有毛陽關陽二鎮巡檢二駐關陽鎮平邑集

春秋魯費邑漢置縣為東海郡都尉治後漢屬泰山郡晉屬郟國宋至隋屬郟郡唐屬沂州

冠石山今名聰山在縣西北百里治水發源于此又名浚水又名小沂水東南至蘭山縣入于沂班固云南武陽冠石山治水所出南至下邳入泗過郡二行九百四十里

縣故城在今縣西北二十里劉宋移縣理祊城即古祊邑也漢南武城故城在縣西南九十里春秋魯邑襄公十五年城武城後亦謂之南城南武陽故城在縣西北七十里華縣故城在縣東北六十里

顯史城在縣西北八十里魯附庸國東陽城在縣西南七十里

左傳哀公八年吳師克東陽輿城在縣西春秋哀公十四年司馬牛卒于魯郭門之外阮氏葬諸丘輿

古密如亭在縣北左傳閔公二年莒人歸其仲及密又縣南有台亭春秋襄公十二年莒人伐我東鄙圍台

莒州

簡西南至府九十里

有十字路一鎮巡檢二駐十字路石埠集

周莒子國後屬楚戰國屬齊秦屬瑯琊郡漢初曰城陽郡文帝二年置城陽國治莒後漢建武十三年省城陽以莒縣屬瑯琊國建安三年復置城陽郡治莒晉太康十年改置東莞郡後魏以郡屬南青州北齊郡廢後改置義唐郡隋開皇初郡廢屬瑯琊郡唐武德五年以莒縣屬莒州貞觀八年州廢屬密州金初于縣置城陽軍大定二十二年升城陽州二十四年更名莒州明初省州治莒縣入州屬青州府

本朝雍正八年升為直隸州十二年改屬沂州府

馬髻山即巨公山在州東南六十里潯水出此焦原山在州南四十里尸子莒有焦原廣尋長五百步臨百仞之溪箕屋山在州西北九十里酈道元云濰水導源濰山許慎呂忱云濰水出箕屋山淮南子濰水出覆舟山蓋一山而异名也又州北一百里有箕山道元云箕水出諸縣西箕山西南流注沐亦名泐水高泉山壺山竝在州北班固云靈門縣有高泉山壺山濰水所出東北流入濰壺山一名浯山青山在州東北八十里酈道元云袁公水出清山即此圖說居民最盛以山為利農具槩絲薪炭之所出又州北一百里有七寶山山出金銀銅鐵鉛錫土凡鍊銀非此土不液故名又南十五里曰舌石港銀洞在焉明萬歷中嘗開採

濰水源出州東北東流入青州府諸城縣界書禹貢青州濰淄其道周禮職方氏兗州其浸盧維班固云箕縣禹貢濰水北至都昌入海過郡三行五百二十里兗州濰也夜頭水在州南班固云裨縣夜頭水南入海今無考樂史以爲卽向水也

漢高鄉故城在州南裨縣故城在州南亦曰向城春秋隱公二年莒人入向箕縣故城在州北箕屋山下靈門故城在州北壁城在州東南曹公城在州南長城在州北東接諸城西至沂水西北至淄川界

蒙陰縣

衝東南至府二百里

有黑龍一寨

春秋魯蒙邑漢置蒙陰縣屬泰山郡後漢省晉復置屬瑯邪郡宋省後魏改置新泰縣于此屬東安郡東魏改曰蒙陰北齊廢入新泰元皇慶二年以故新泰復置屬莒州明初改屬青州府

本朝雍正八年分屬莒州十二年改屬沂州府

蒙山在縣南接費縣界書禹貢徐州蒙羽其藝班固云蒙陰禹貢蒙山在西南有祠酈道元云蒙山水出蒙山之陰又蒙陰山在縣南八里酈道元云蒙陰水出蒙陰山敖山在縣西北三十里接新泰縣界左傳桓公六年申繻曰先君獻武廢二山注具敖也具山在縣東北十五里臨樂山在縣東北班固云蓋縣臨樂山洙水所出西北至蓋入泗水又五女山在縣西南四十里桑泉水出焉巨圍山在縣西南四十里巨圍水出焉魯山在縣北一百六十里堂螂水出焉

縣故城在今縣西南十五里漢縣也又有故城在縣東十里蓋卽後魏所置新泰縣

堂阜在縣西北三十里春秋時齊地

沂水縣

衝繁難南至府一百二十里

有梁莊一驛縣丞駐東尾巡檢駐梁莊

漢置東莞縣屬瑯邪郡建安中置東莞郡魏罷郡晉泰始三年又置太康十年移郡于莒以東莞為屬縣宋泰始三年分置東徐州魏太和二十二年改曰南青州齊又移東安郡治北周改為莒州隋開皇初郡廢改縣曰東安十六年又改為沂水大業初州廢仍屬瑯邪郡唐武德五年復置莒州貞觀八年州廢屬沂州金改屬莒州明仍隸青州府本朝雍正十二年與日照並改屬

峒山亦名雹山在縣西北三十里沂水逕其西天峒山在縣東北百二十里酈道元云大峒水北出大峒山

沂水源出蒙陰縣北東南流逕縣西因以名縣又南逕蘭山郟城入江南邳州界沫水源出縣北東南流逕莒州蘭山郟城入

江南沐陽縣界

漢東安故城在縣南三十里陽都故城在縣南春秋時陽國閔公二年齊人遷陽蓋縣故城在縣西北廢盧縣在縣西南又劉宋發干故城在縣西北

鄆城在縣北春秋文公十二年季孫行父帥師城諸及鄆闕駟十三州記魯有兩鄆此為東鄆昭公所居者為西鄆在東平牟鄉在縣南春秋宣公九年取根牟鄆鄉在縣北

日照縣

簡西至府二百四十里

有夾倉濤洛二鎮石巨峰二寨巡檢駐安東衛

漢置海曲縣屬瑯邪郡後漢改為西海縣晉省入莒縣金始分置日照縣屬莒州明仍隸青州府

絲山在縣東北三十里絲水所出東入海三注山在縣西南五十里酈道元云葛陂水出三注山今堙

大海在縣東南五十里接江南贛榆縣界

海曲故城在縣西十里

呂母固在縣南即漢呂母集兵之所

登州府繁難

原額人丁一十二萬零五十九
又滋生人丁一萬八千零六十二

禹貢青州之域春秋時牟子國戰國屬齊秦屬齊郡漢為東萊郡地後漢移東萊郡來治晉屬東萊國後魏孝昌四年分置東牟郡北齊郡廢屬長廣郡隋開皇十六年置牟州大業初州廢仍屬東萊郡唐如意元年于牟平縣置登州神龍三年始徙州治于蓬萊縣天寶初改為東牟郡乾元初復曰登州屬河南道宋屬京東東路元初屬益都路中統五年屬淄萊路至元二十四年屬般陽路明洪武九年升為登州府

本朝因之分守登萊青道駐此

府境

八到

東西距五百六十里
南北距三百五十三里
東至大海四百里
西至萊州府掖縣界一百六十里
南至萊州府即墨縣界三百五十里
北至海三千里
東南至大海三百九十里
西南至萊州府治二百四十里
東北越海至遼東金州界旅順口五百里
自府治至京師一千八百六十里

土貢

圓石 鐵 鹽 硯石 滑石 石膏 牛黃 文蛤
蟹 貫布 縹絲 水葱席 天南星 蠟 海驢 蜂

管縣九州一

蓬萊 黃 福山 棲霞 招遠 萊陽 寧海州 文

登 海陽 榮成

蓬萊縣

繁難郭下

有蓬萊一驛田橫劉家汪巨峯三寨

本漢黃縣地唐神龍三年始分黃縣北之蓬萊鎮置縣為登州治明洪武元年省入登州九年升登州為府仍置蓬萊縣為府治

龍山在縣西南四十里舊置鐵場于此

沙門島在縣西北六十里宋流放人于此元時海運置戍軍焉

又烏湖島在縣東北海中唐貞觀十八年征高麗置鎮于此

海府境三面皆距海自縣境東至福山寧海州文登榮成西至

海陽皆瀕海

之罘水在縣南十五里源出羽山東北流與石門山泉合流入

于海黑水出縣西南黑石山東北流入城會密水出城西北流

注海

鹽泉池在縣東北二十里

水城在縣北本名備倭城南與府城接北即新開海口為海道

要會之區縣城在縣南

黃縣 繁東北至府六十里

有龍山黃山館二驛馬停一鎮黃河一寨巡檢駐黃山館

春秋萊國後屬齊秦置黃縣屬齊郡漢屬東萊郡後漢為郡治

晉仍屬東萊國後魏屬東牟郡北齊屬長廣郡隋開皇初郡廢

縣屬牟州大業二年州廢復屬東萊郡唐貞觀初屬萊州神龍

三年省入蓬萊縣先天元年復析置黃縣屬登州

萊山在縣東南史記齊八祀六日月主祀之萊山班固云黃有

萊山松林萊君祀蹲犬山在縣西南三十里大沽河出此又縣

東南二十里有絳山絳水所發源也

縣故城在今縣東南漢牟平故城在縣東南十五里馬嶺山按

牟平城在府城東南者為魏以前之故城在馬嶺山者北齊以後之故城而唐以後之牟平縣治則今之寧海州治也愷縣故城在縣西南徐鄉故城在縣西南五十里
大人城在縣東北二十里魏司馬懿伐遼東造此城運糧船從此入新羅百濟

福山縣

簡西北至府一百三十五里

有奇山一所巡檢駐海口

漢置牟平縣屬東萊郡晉初省後復置後魏為東牟郡治北齊郡廢隋仍屬東萊郡唐武德四年于縣置牟州八年州廢貞觀初省為蓬萊縣地金天會二年劉豫析置福山縣屬登州之罘山在縣東北三十五里接文登縣界史記秦始皇二十八年登之罘立石封禪書八神五曰陽主祠之罘牟城在縣西北風俗通牟子國祝融之後

棲霞縣

簡西北至府一百五十里

漢為腫縣地後漢為黃縣地唐宋皆為蓬萊縣地金天會二年劉豫析置棲霞縣屬登州

鉅嶧山在縣東二十里鉅嶧水出焉李吉甫云萊陽縣有黃金坑圖說鉅嶧山一名金山即黃銀坑也隋唐以來守土官採金充貢後編戶置官歲定金額有增無減戶漸逃亡明洪武中始禁開採

招遠縣

簡東北至府一百四十里

東良海口一鎮

漢置曲成縣屬東萊郡後魏黃興中析置東曲成縣北齊并東西曲成俱入掖縣隋及唐宋皆為掖縣地金天會二年劉豫析置招遠縣屬萊州明洪武九年割屬登州府
齊山在縣南三十里金元時嘗置金場于此

萊陽縣

疲難北至府二百五十里

縣丞駐萊山集

漢置昌陽縣屬東萊郡晉初省入長廣縣元康八年復置屬長廣郡隋仍屬東萊郡唐屬萊州五代後唐同光元年改曰萊陽明洪武九年割屬登州府

五龍山在縣東南二十里有水道五千山下合流入海又縣東四十里有倉山舊產鐵

昌陽故城在縣東南二十五里漢莒縣故城在縣南七里盧鄉故城在縣西南四十里長廣故城在縣東觀陽故城在縣東七十里觀山之陽

獫狁在縣東五十里周禮職方氏東北曰幽州其澤藪曰獫狁養班固云長廣縣西有獫狁澤

寧海州

疲難西少北至府二百十里

有湯泉一鎮乳山路于二寨

漢置東牟縣屬東萊郡晉省入牟平唐麟德二年復分置牟平縣如意元年于縣置登州神龍三年移登州治蓬萊縣以縣屬之金天會二年劉豫置寧海軍大定二十二年升為州明洪武初以州治牟平縣省入屬萊州府九年改屬登州府又設寧海衛于州城內

本朝順治十六年併衛入州

鐵官山在州西南四十里漢鐵官治鑄處

漢育黎故城在州境

齊康公城在州東十五里

文登縣

疲難西北至府三百三十里

有溫泉一鎮辛汪寨文登一營巡檢二駐威海司靖海司

漢置不夜縣屬東萊郡後漢省北齊天統四年置文登縣以縣

西北文登山為名屬長廣郡隋屬東萊郡唐武德四年于縣置登州貞觀元年州廢縣屬萊州如意元年復置登州于牟平以縣屬焉金屬寧海州明洪武初屬萊州九年改屬登州府不夜故城在縣東北腫縣故城在縣西東牟故城在縣西北明洪武中分置威海衛于此

本朝雍正十二年省入文登去縣治九十里又靖海衛在縣東南建草與威海同去縣界二十里
海陽縣 簡西北至府二百二十里 有行村寨巡檢駐

漢昌陽縣地唐改名萊陽明洪武三十一年分置大嵩衛竝海陽所

本朝順治十二年省海陽所入衛雍正十二年升衛為縣榮成縣 簡西至府四百六十里 有石島司巡檢駐

漢不夜縣地北齊置文登縣明洪武三十一年分置成山衛屬登州府

本朝雍正十二年升衛為縣

成山在縣東北史記秦始皇二十八年竝勃海東過黃腫窮成山三十七年自瑯邪北至榮成山封禪書八神七日日主祠成山成山斗入海最居齊東北隅以迎日出

萊州府 繁難

原額人丁二十二萬三千五百一十三
又滋生人丁六千六百六十九

禹貢青州之域春秋為齊萊介州四國地戰國屬齊秦屬齊郡漢高帝始分置東萊郡後漢為東萊郡地晉為東萊國宋仍為郡後魏皇興四年置光州隋開皇初郡廢五年改光州為萊州大業初復曰東萊郡唐武德四年復曰萊州天寶初復曰東萊

郡乾元初復曰萊州宋曰萊州東萊郡金曰萊州置定海軍節
度元初屬益都路中統五年屬淄萊路至元二年屬般陽路明
洪武九年升為萊州府

府境

八到

東西距二百九十里
南北距四百三十里
東至登州府招遠縣界六十里
西至青州府壽光縣界二百三十里
南至大海三百五十里
北至勃海八十里
東南至大海三百五十里
西南至青州府諸城縣界二百六十里
東北至招遠縣界八十里
西北至海倉口七十五里
自府治至京師一千四百里

土貢

鹽 石器 牛黃 文蛤 海藻 絹 贗布 水葱
席 烏頭

管縣五州二

掖 平度州 濰 昌邑 膠州 高密 卽墨

掖縣

疲難郭下

有城南朱橋二驛海倉口一鎮柴胡馬埠
龍河王徐馬停五寨縣丞駐朱橋

春秋萊國地戰國齊夜邑漢置掖縣為東萊郡治後漢為侯國
屬東萊郡晉復為郡治後魏皇興中兼為光州治隋仍為東萊
郡治唐以後為萊州治

陽丘山在縣東南三十里一名馬鞍山班固云曲城陽丘山沽
水所出

三山島在縣北史記封禪書八神四曰陰主祠三山班固云曲
城有參山又蜉蝣島在縣北一百里俗名芙蓉島

海府境瀕海州縣五縣及昌邑濰膠州卽墨也又縣及膠州卽
墨為元人海運所經

掖水在縣南李吉甫云掖水出寒同山今山在縣東南十五里
掖水西北注海

萬里沙在縣東北班固云曲成有萬里沙祠孟康注沙徑三百餘里

漢曲成故城在縣東北當利故城在縣西南臨胸故城在縣北唐曲臺故城在縣東南又漢陽樂廢縣在縣西南陽石廢縣在縣南

過鄉在縣北左傳襄公四年魏絳曰寒泥處澆于過

平度州 簡北少東至府一百里 有灰埠一驛亭口一鎮州同駐灰埠

漢置膠東國治卽墨領郁秩縣後漢爲侯國屬北海郡後魏爲長廣郡治北齊廢郡爲長廣縣隋仁壽元年改曰膠水縣屬東萊郡唐以後屬萊州明洪武二十二年始置平度州省膠水縣入之

三戶山在州西南七十里班固云宣帝神爵元年以方士言祠

三戶山于下密

沽河一自登州府流入逕萊陽縣至州界名大沽河一自掖縣馬鞍山南流至州東七十七里名小沽河又逕卽墨膠州至麻灣口入海左傳昭公二十年姑尤以西齊乘姑卽大沽河尤卽小沽河沽水起北海至南海行三百餘里絕齊東界故曰姑尤以西

卽墨故城在州東南漢盧鄉故城在州西北平度故城在州西北六十里

棠鄉在州東南左傳襄公六年萊共公浮柔奔棠樂毅城亦在州東南

濰縣 繁疲難北少東至府二百八十里 有古亭一驛固底一鎮巡檢駐固堤店

漢置平壽縣屬北海郡後魏爲北海郡治北齊改曰高陽郡隋開皇初郡廢改置下密縣十六年于縣置濰州大業初州廢改縣曰北海唐武德二年復置濰州八年州廢以縣屬青州宋建隆三年于縣置北海軍乾德三年復升爲濰州明洪武初以州治北海縣省八九年廢州爲濰縣十九年改屬平度州隸萊州府

覆甌山今名漑源山唐天寶六年勅改班固云桑犢縣覆甌山漑水所出東北至都昌入海鄆道元亦謂之塔山
濰水自青州府安丘縣流入縣境又東北逕昌邑縣入海百狼水在縣東門外又東北注海
平壽故城在縣西南三十里漢桑犢故城在州東三十里廢縣在縣東古斟尋國也

寒亭在縣東左傳襄公四年魏絳曰尹用寒泥司馬彪云寒亭古寒國泥封此

昌邑縣

繁難東至府一百一十里

有夏店一驛

漢置都昌縣屬北海郡晉屬齊郡後省宋建隆三年始于故縣界改置昌邑縣屬濰州明初屬青州府洪武九年改屬萊州府二十一年屬平度州仍隸萊州府

霍侯山在縣南漢書霍光爲博陸侯封在北海其山本名陸山唐天寶六載勅改今名又東山在縣東二里後漢建安初袁譚敗北海相孔融于都昌融敗走東山卽此

漢下密故城在縣東界按下密故城凡四一當在縣東二十里一在縣東三十里皆漢縣蓋一係安帝時所移置也復有二在濰縣界皆隋時所徙置密鄉故城在縣東南十五里都昌故城

在縣西二里平城故城在縣南唐訾亭故城在縣西即古鄆邑也鄆訾音同

膠州繁難北至府二百二十里

有古鎮逢猛二鎮夏河一寨巡檢駐靈山

春秋介國戰國屬齊漢置黔陬縣屬瑯邪郡後漢為侯國屬東萊郡晉初屬城陽郡元康十年改屬高密郡北齊置平昌郡隋開皇初郡廢十六年改置膠西縣大業初省黔陬縣入焉屬高密郡唐武德六年省膠西入高密宋元祐三年復置膠西縣兼臨海軍使屬密州元太祖始於縣置膠州屬益都路明洪武初省膠西縣入州屬青州府九年改屬

膠山在州西南一百二十里膠水出焉班固云邳縣膠水東北至平度入海魏收云膠水出梁鄉縣五弩山樂史云出諸城縣東嶮山齊乘出膠西縣西南鍊鑛山北流經鹵山古名五弩山

蓋皆膠山之异名也又朱山在州南一百二十里杜祐云高密諸城縣有古長城起自齊西防門東逾泰山穆陵至朱山海濱而絕

根艾水在州南一名洋河班固云拒縣根艾水東入海

膠萊新河自州東南三十里麻灣海口北流合沽河又西北逕平度州西南合膠水又北至掖縣海倉口入海元史至元十七年萊人姚演獻議開此以通漕

漢黔陬故城有二一在州西南一在諸城縣東北九十五里計斤故城拒縣故城及廢祿縣邾縣竝在州西南祝茲城在州西南

介亭在州南七十里酈道元云古介國也

高密縣簡北少東至府一百五十五里

漢初置縣屬齊國文帝十六年分置膠西國元封三年國除爲膠西郡本始元年改置高密國治高密兼領夷安縣後漢建武十三年省高密國二縣皆屬北海晉初屬城陽郡元康十年復置高密國二縣屬之宋孝武仍并屬北海後魏元昌中復置高密郡治高密領夷安北齊徙郡治東武省夷安縣入之隋屬高密郡唐屬密州武德六年移縣治夷安城元改屬膠州明初屬青州府洪武九年與卽墨皆改屬膠州仍隸萊州府
密水自青州府諸城縣流至縣西南入濰又張奴水在縣東西北流注于膠水酈道元云張奴水歷膠陽縣注于膠水之左東北爲澤渚百許里謂之夷安潭周四十里亦濰水支津所注也縣故城及漢稻縣故城在縣西南膠陽故城高陽故城在縣西北

龍且城在縣西南楚將龍且所築在濰水東岸卽墨縣繁難北少西至府二百五十里

有卽墨一營栲栳蕭莊王家莊棧山全家嶺張家大港田家莊走馬九寨巡檢二駐栲栳及蓋山衛

戰國齊卽墨邑漢置不其縣屬瑯邪郡後漢爲不期侯國晉仍曰不其咸寧二年置長廣郡于此宋泰始四年又分置東青州于此後魏移長廣郡治膠東以不其爲屬縣北齊縣廢隋開皇十六年始改置卽墨縣屬東萊郡唐屬萊州元太祖二十二年改屬膠州至元二年省入掖膠水二縣尋復置
不其山在縣東南二十里漢書武帝太始四年夏四月幸不其注山名因爲縣今故城在縣西南二十七里俗名不其社勞山在縣東南六十里濱海一曰大勞山一差小曰小勞山二山

相連高二十五里周八十里李吉甫稱晏謨齊記云太山自言高不如東海勞魏收書作牢南史作嶠天室山在縣西南三十里班固云卽墨有天室山祠又西南十里有女姑山班固云不其有太乙仙人祠九所及明堂武帝所造

淮涉水在縣南一里源出石城山西南流入海新唐書縣東南有堰唐貞觀十年令仇源所築以防淮涉水又縣北半里有墨水流逕縣西合淮涉水縣所由名也

漢壯武故城在縣西皋虞故城在縣東北五十里今名皋虞社明龍山廢衛在縣東四十里與萊州靈山兩衛皆明初建

本朝省萊州衛今在府治東靈山衛在膠州東南九十里鹽場在縣境金史卽墨有曲裡鹽場

濟寧州

衝繁難

有曾橋一鎮

原領人丁九萬二千三百一十五
又滋生人丁四萬九千九十二

春秋任國戰國屬齊秦屬碭郡漢置任城縣屬東平國後漢元和初分置任城國劉宋廢後魏神龜初復置任城郡并置縣爲郡治北齊天寶七年改郡曰高平隋開皇初郡復廢唐屬兗州五代周屬濟州金天德二年移州治任城元初仍曰濟州至元六年徙治鉅野八年升爲濟寧府還治任城尋復徙十二年復置濟州屬濟寧府十五年移府來治而徙州治鉅野尋復故十六年升爲濟寧路明洪武元年改路爲府十八年降爲州以州治任城縣省入屬兗州府

本朝雍正二年分爲直隸州八年復故乾隆三十九年復升爲直隸州以金鄉嘉祥魚臺三縣隸焉總督東河部院及運河道駐此

州境

東西距一百四十里
南北距一百八十里

八到

東至兗州府鄒縣界四十里	西至曹州府鉅野縣界一百里	南至江蘇州府汶上縣界四十里	北至兗州府汶上縣界四十里	東南至兗州府滋陽縣界四十里	西南至曹州府單縣界一百二十里	東北至滋陽縣界五十里	西北至汶上縣界四十五里	自州治至京師一千二百里
-------------	--------------	---------------	--------------	---------------	----------------	------------	-------------	-------------

土貢

繇 繭 繡

管縣三

金鄉 嘉祥 魚臺

運河在州西三里自兗州府滕縣流入逕魚臺縣東北入州境與嘉祥縣分界又北入兗州府汶上縣界秦亢父故城在州南五十里

邾城在州東南左傳襄公十三年取邾即此又邾婁城在州南

十里春秋哀公六年城邾瑕

金鄉縣 簡東北至府一百里

秦置昌邑縣漢置山陽郡治昌邑兼領東緡縣後漢分置金鄉縣晉改山陽為高平國仍治昌邑領金鄉縣劉宋移高平郡治高平省昌邑入金鄉屬之唐武德四年于縣置金州五年州廢又徙戴州治此貞觀十七年州廢縣屬兗州五代周廣順二年改屬濟州元屬濟寧路明洪武十八年改屬兗州府金鄉山在縣西北三十七里接曹州府鉅野縣界戴延之云焦氏山北數山有漢司隸校尉魯恭穿山得白蛇白兔不以葬更葬山南鑿而得金故曰金鄉山荷水自曹州府鉅野縣流逕縣北又東逕魚臺縣北入于泗水

書禹貢浮于淮泗達于荷涑河在縣北從單縣流入石晉時所開首受汴水北抵濟河南通徐沛即宋之漕河也元末湮廢又縣北有桓公溝至魚臺注荷水

東繆故城在縣東北二十里本夏時繆國春秋僖公二十三年齊侯伐宋圍繆昌邑故城在縣西北四十里漢防東故城在縣西南

茅鄉城在縣西南古茅國又雞黍城在縣西南三十五里司馬城在縣境

甲父亭在縣南左傳昭公十六年齊侯伐徐徐人行成賂以甲父之鼎

嘉祥縣 簡東至州五十里

古大野地秦屬碭郡漢為任城鉅野二縣地晉宋屬高平郡唐

屬東平郡金皇統中始析置嘉祥縣屬濟州

縣故城在今縣西二十五里金大定十五年徙今治漢爰戚故城在縣西南

焦城在縣南十五里武城在縣南五十里

魚臺縣

衝繁難北至州一百十里

有河橋一水驛黃隊穀亭南陽三鎮

春秋魯棠邑地戰國為宋方與邑秦置方與縣漢屬山陽郡晉屬高平國北齊廢隋開皇十六年復置屬彭城郡唐初屬金州尋屬戴州貞觀十七年改屬兗州寶應元年改縣曰魚臺五代後唐以縣屬單州元太宗七年屬濟州至元二年省入金鄉縣三年復置明初屬徐州尋屬濟南府洪武十八年改屬兗州府舊運河在縣東北二十里昭陽湖西即泗水故道也方與故城在縣北秦湖陵故城在縣東南六十里

郎城在縣東北八十里接滕縣界春秋時魯邑又重鄉城在縣西北十一里左傳臧文仲宿于重館即此郕鑿城在縣東南故湖陵城西

武唐亭在縣北十二里唐一作棠春秋隱公二年公及戎盟于唐五年公觀魚于棠李吉甫云觀魚臺即武唐亭縣以之名又泥母亭在縣東二十里春秋僖公七年盟于甯母注泥音如甯費亭在縣西南春秋時魯大夫費伯食邑又西有極亭隱公二年無駭入極即此

臨清州 衝繁難

有清源水馬驛渡河水驛曹仁搖鞍二鎮

原額人丁十一萬六千三百七十一

又滋生人丁七千零三十

春秋時衛地戰國時為趙之東鄙秦屬東郡漢置清淵縣屬魏郡晉屬陽平郡後魏太和二十一年析置臨清縣仍屬陽平郡

北齊縣廢隋開皇六年復置屬貝州大業初屬清河郡唐仍屬貝州大歷七年改屬瀛州貞元末還屬貝州五代後唐改屬興唐州宋屬大名府熙寧五年省為鎮入宗城尋復置金改屬恩州元至元中改屬濮州明洪武二年改屬東昌府宏治二年升為臨清州仍屬東昌府

本朝乾隆三十九年升為直隸州以武城夏津丘三縣隸焉

州境

八到

東西距一百五十二里
南北距一百三十三里
東至東昌府高唐州界八十二里
西至直隸州周縣界七十里
南至東昌府堂邑縣界四十里
北至直隸州故城縣界九十里
東南至東昌府茌平縣界九十里
西南至東昌府館陶縣界三十里
東北至東昌府恩縣界九十里
西北至廣平府清河縣界五十里
自州治至京師七百六十里

土貢

繇 繇 繇 羊皮 氈 棉花 桃 梨 磚

管縣三

武城 夏津 巨

運河自東昌府清平縣流入州城南貫州城而北衛河自西來會為一又東北逕夏津武城仍入東昌府恩縣界

清淵故城在州西南州故城在今州南明洪武二年移今治陪沙丘廢縣在州西唐永濟廢縣在州南

古堤自州南逾會通河而北繞州城東南東北入夏津縣境亘數百里其委絕海蓋古之隄防也或謂之鯨堤

武城縣 衝繁南至州七十里

有甲馬營一驛饒陽一鎮巡檢一駐甲馬營

戰國時趙武城邑漢置東武城縣屬清河郡後魏曰武城縣北齊天保七年徙廢隋開皇初復置唐屬貝州宋屬恩州元初隸

東平路至元七年改屬高唐州

本朝屬東昌府

一字河在縣西河防志黃河舊經縣境金明昌五年河犯武城堤明年鑿新河修石岸十四里有奇以塞之元時河自河南原武縣決而東南此河遂絕

東武城故城在縣西十里漢復陽故城在縣東北

夏津縣

疲西至州四十里

有孫生一鎮

漢置信鄉縣屬清河郡後漢省為甘陵縣地晉魏為清河縣地隋開皇十六年改置鄒縣屬清河郡唐初屬貝州天寶元年始改曰夏津五代漢改屬大名府元初屬東平路至元七年改屬高唐州

本朝屬東昌府

馬賴河在縣東三十里

信鄉故城在縣西

丘縣 簡東北至州四十里

漢置平恩縣屬魏郡晉改屬廣平郡隋屬武安郡唐屬洺州金
省入曲周縣元至元二十六年改置丘縣屬東昌路

康臺澤在縣東

平恩故城在縣西漢南曲故城在縣北館陶故城在縣西南四
十里金移于今治

